



玉楮詩藁自序



予自戊戌西遡沔鄂庚子東遊當塗歲凡三周哀藁
詩藁得三百五十有八名以玉楮因為之序昔宋人
有刻玉為楮三年而成一葉雜於楮葉中而莫之辨
工蓋如是其巧也或從而笑之曰天地之生物自質
自形日月之照臨風雨之滋澤寒暑之代謝亦惟因
其固有而遂其本然使必三年而成一葉則物之有
葉者寡矣以人之偽象天之真蓋又如是其拙也今
夫發於性情著於詠歌雕鏤賢腸摹寫月露旬鍛月
鍊以求其大巧夫誰不然至於風行水上渙而成文

雲出岫間了非有意澄江淨練風雨滿城尚絅去華
貴乎直遂茲巧也蓋寓乎至拙之中匪徒工之所能
媿夫以它山之攻昆吾之切追琢毫芒以取其象似
故必待積月以致其力則其成也難遇物感形因時
言志不責以浮靡惟取其自然故不待引日以全其
天則其成也易彼三年而僅成一葉此三年而為篇
者幾四百其巧與拙將誰實辨之木以不材壽鴈以
不鳴棄犧尊以青黃喪大瓠以浮游取覽吾卷者其
寘我於巧拙之間乎嘉熙庚子閏月己丑晦序

玉楮詩藁目錄

卷第一

戊戌二月十日京湖袁總郎以堂帖至有詔復

除戶侍總饗

五年不治筆研奉詔起家是日始草辭免奏旋

假書吏於郡題寫皆生疎堂帖趨行三日戒

春塗偶成二首

予控免不獲命恭讀詔書聖訓有朕正欲為卿

直前枉之語感激思奮始決小草之謀

黃鶴謠寄吳季謙侍郎

余以謬作數種并總所奏藁遺參贊高紫微因
贈二首

拙婦吟不蘇命參贊臨書望信有報正谷

春波堂小飲懷棠湖舊隱三首

食棗有感二首

約客春波督參劉郎中方赴高紫微之集道間

相值不容留戲贈二首

餞孟運判寺簿赴京三首

與高紫微雪溪餞客雖已預盟然坐次予每居

上為之踧踏寄此見意

夜讀莊子呈高紫微

秋夕有感二首呈督視參政

九江霜蟬久擬遺高紫微而家僮後期未至以

詩道意

餞高紫微視師黃岡

以螳蟬寄高紫微踐約侑以雪醅時猶在黃岡

餞紫微高侍郎朝天

後元祐行上辨章喬益公

上巳約客總宜一病不及往二詩呈陳元履王

困衙諸人自酌

聞韓正倫檢正掛冠感歎故交悵然久之偶成
三首京口元夕燕不又對三詩呈韓正倫王

卷第二

興唐寺聞鐘

已亥夏五廿有八日始解維雪錦作紀事十解

呈舊幙諸公

夜過壽昌

望樊口懷陶士行温太真二首對翁陳未至以

三江口過舟時方四鼓

赤壁

卷雪樓

謁遺愛王祠二首

寄王料院鐸三首

後江行十絕

初還故居

集喜二首

寄紫微高侍郎三首

歸自鄂雙蓮生於後池偶作再寄紫微

又賦雙蓮

病中有感四首

太行道

長門怨

病中散步六絕

夜觀象奕

偶試昆陵張顥筆戲為之賦

蒲萄

卷第三

荷花盛開以病旬餘不至亭上偶成唐律二首

予歸未省松楸將以初秋望前汎湖之龍門已

戒舟艦而逢夕雨作不見月因賦天問二章

秋夜有感二首

寄李微之秘監三首

讀劉琨傳

送喬江州將漕江右二首

次韻喬江州琵琶亭詩二首

聞江陵江帥海病訃二首

得陳元履家書六言四首

觀物四首

紫微花

新刊予西陞奏藁成

閒居六詠早起午睡晝閑
晚步夜坐

子自武昌携二猿歸夜聞清嘯偶成

小閣後薤草

賀李微之兼工侍二首

賀高中書兼崇政殿說書三首

觀八陣圖說

張孝顯晨訪懋忠堂因拉陳升可王困衙同飲

徑醉卧小閣醒則晡矣戲呈諸公

吳季謙侍郎送家釀香泉絕無灰得未曾有戲

成報章

珊瑚

無題

得報狀邸吏緘至朝堂八月月單有感而作三

首

憶昔二首

聞陳元履除諸軍蕃詔

胡羊二首

饅頭

卷第四

小墅桂花盛開與客醉樹下因賦二律

雨中觀廬山
約吳季謙山行書來問期戲答
觀芙蓉有感

山中讀邵伯溫聞見錄種話事

趙季茂通判惠詩走筆奉和十篇

已亥八月廿一日除書予拜太平興國宮祠官

呈趙季茂

述山中語呈郡侯董庭直少監

奉寄何正父總幹

奉寄胡教授

卷

山中奉寄通判楊宗博二首

酬趙季茂遺餉松實鰻鯊柔魚

九月一日聞鴈

次韻趙季茂寄詩

山中書懷

九月十三日始就郊墅拜寶謨閣直學士提舉

聞江州太平興國宮之命

茶花盛放滿山

九月十四日夜月明如晝敬想合宮竣事志喜

而作

寄喬益公

將遊太平宮小詩呈趙季茂

螃蠏

聞畫眉鳥聲戲作

小春六首

綠萼梅茶芙蓉
小桃黃菊李花

奉謝何正父日

鯪荔實茶果宣瓜蜜朮之既酬

以露芽

奉謝趙季茂遣餽鱟醬

太平宮遇雨

卷第五

宿太平宮葆清庵自和少年壁間戊辰歲所作

韻是日聞房大入滁濠二首

以廬山所產天花葷冬筍玉延餉趙季茂通判

趙季茂遺予郭索侑之以詩上亦遣山肴兩介

蓋相與駕肩也因和二首

趙季茂有詩來適山間斲地得筍因以遺之併

賡韻

葆清值雨二首

病倦入山戲成

設醮太平宮竣事呈偕行諸君二首

山居作報書竟夜有感戲成二首
挽張貢父二章

十一月十五日忽苦舌瘍甚不能飲食憊臥一

榻戲成

宿溪聲閣望香爐峰偶成二律

山居感舊百韻

寄道士揚休文

已亥明裡恩封鄴侯感愧有作二首

十一月二十六日步自虎溪至西寺摩挲率更

舊碑近覽前聞人故游有感而賦

得閣門報以予班學士詔復賜衣帶因懷初錫

倏閱十年感恩紀事二首

謝趙季茂海錯二律

已亥十二月十七日堂帖被召感恩二首

二十七日後有旨除帥江西一旬之間兩奉除

音再賦二首

香羸

昨訪筭篁間有繡悅之讌回車戲呈季茂

病中未能訪鄧德載督叅大監戲贈二首

春晴將游玉淵踐吳季謙待制馮可久武博山

行之約先走長句
趙季茂以酒香羸來適亦得京中遠致此品乃
鮮者恨地遠不大佳擇十五穀為贈
奉贖趙季茂雪中感興二首
病中酬趙季茂

卷第六

登山見張孝顯成趣軒與緹屏油幙高會四絕
行春值大風雨

庚子正月彗見于室有詔求言因上已見有感
新作三唐律

戲作呈趙通判胡教授張總幹

小園雙竹呈瑞二首

豫庵三瑞詩

庚子三月二十七日又易守當塗四月十一日

癸辭免之續書懷成二唐律

四月十二日諏吉受通議大夫告再書述懷二

四首

上高趙宰遺誠齋集開卷有感

睡起三絕

自歲前逮夏初日治辭免有感而作

梳頭二首
塔燈六言四絕

喜雨

四月二十日被以郡事入奏命再賦二首

泰堂奇石

卷第七

新荷出水

舞鶴四絕

簡吳季謙堅心日柴桑之約時季謙有潭帥之

命二首

五月九日登舟聞迓卒鼓角發嚴

將發琵琶亭

舟過庾樓下二首

白水浦懷王建寧

排灣遇風對岸即彭澤舊縣二首

發排灣過小孤彭郎祠下遂宿馬當

過鴈汊

便風經鴈汊宿荻港是日舟行四百里三首

入蕪湖港過吉祥寺

黃池

曉過固城湖

銀堰

久不雨裏河舟不可行咸橋平氏小舫在東壩

予介紹假之以行

夏旱三首

東壩以裏沿岸人家皆對門植葦于小嶼不曉

其旨謾成四絕

三塔滄圩下二首

三塔寺寒光亭張于湖書詞寺柱吳毅夫命名

後軒二首

滄中水淺輿後下水肩舟二首

嘉定丁卯予守攜李召還郡人見餞于三塔灣

偶至此寺因名有感

滄中感歎二首

火雲

病虎行

浩歌行

玉唾壺

卷第八

中橋二首

至潮故跡中

六

泥行終日至晡始抵中橋六絕

夜宿橋岸

問道宜興二首

過謝碓澹

遇順

楊梅

六月二日乙丑濫溪大雷雨

道中思廬山

寄江州趙倅季茂二首時舟過溧陽遇順

寄胡教二首

寄高建寧尚書二首

天申萬壽宮

張公洞二首

晨至青口

過啄木嶺暑暍憇道旁移時始行三首

望北關門

六月二十一日內引賜對緝熙殿玉音宣問漏

下數刻將退賜金幣香茗有差既而御筆除

長地官將旨八路復賜一札兼鎮姑孰敬紀

中感遇以昭恩榮四首

中秋夜宿旌德觀無月

水樂洞宮詩昔人疑對一休無難故處婚

趙山二絕

洞霄宮十一日內信觀樓觀中題正宮宣問

洞霄宮良泓孫副宮房二首

試廬陵賀發竹絲筆

九月八日桐川道中二絕

九日發廣德至建平感事有作

是日迎送之車屬道戲成

宵征

王詩

夢尚留三橋旅邸

病中試張觀筆

十月廿五日有詔以予班六卿賜對衣金帶鞍

馬二首

當塗勸駕詩

鹿鳴宴中走筆呈林教授

碧雲亭晚眺二首

題王謨潛泉蛙吹二首

閏月之臘詔賜銀合臘藥三首

嘉熙四年九月奉詔改明年元為淳祐閏十二

月降德音

閏月之鄰始顯懸合韻三首

雙玉樹散泉越如二首

雙雲亭如韻二首

京邑真中步華呈林楚錄

卷中

卷二首

十月廿五日... 韻以子班六... 韻撰次金帶錄

玉楮詩藁目錄終

玉楮詩藁卷第一



謝恩神廟... 相臺岳音珂肅之著

戊戌二月十日京湖袁總郎以堂帖至有詔復

除戶侍總饗

晝長歌枕酣春卧剝啄敲門驚夢破雙旗健步衣正
黃爵羅駭見久未嘗泥紫一封芹詔香王人繭牘親
遣將老夫五年坐竒謗身則漁樵志猶壯豈無戀闕
如子牟強擬隨裝學張敞浮雲滿空能蔽日雲散天
空日華出千三百載春又春杜陵久矣無斯人黃衣
走塵漫跋不縱了桴鼓何足云姑言絮舜工負恩堯

天舜日定不爾皎々太空無點滓當時下書便疑似
聊坐和歌焉熱耳寧比三光覆盆底金羈欲脫還從
頭絡頭齧草均一牛吾身本是報恩具千年萬年屬
明主感恩欲慙淚如雨且願投讒卑豺虎
五年不治筆硯奉詔起家是日始草辭免奏旋
假書史于郡題寫皆生疎又堂帖趣行三日
戒塗偶成二首

五年尺牘不牋天一日除書到枕邊感欲宣心筆無
語恩慚餬口鼎餘饘說驂尚恐傳音誤書馬還思習
札便燭炮燒殘人未寢却輸鈴下愜安眠

露封騰奏曉鳴鈴當御應關乙夜呈京兆有裝隨使
者陳留無酒憶厨兵故營將鉞談家世老吏公車識
姓名塵事看々到書尺更驚三日有王程

予控免不獲命恭讀詔書聖訓有朕正欲為卿
黃直前枉之語感激思奮始決小草之謀

平生一寸心不為世塗折平生七尺軀擬慕志士烈
吾門古喬木每抱歲寒節三世秉一心炯々常不滅
雖如卞獻玉自比來嚼鐵閉門著辨誣其事已合轍
及逢明聖知所遇皆夔絕隆興錄舊李一誣出奎札
嘉熙今詔書復以枉為說人生貴知心萬事等一呷

矧以萬古光下比覆盆揭憶昔賈竒謗同舟忽胡越
關弓比射羿舍鏃不虛發仍是同功家以豢反得噬
靜思誣與枉二字謹區別兩朝寓至鑑四海仰日月
蕩誣貴昭々錯枉豈子々此恩無以報蛇雀况微物
匪石心可轉襍被計當決塵匣開青萍何時釁妖血
黃鶴謠寄吳季謙侍郎時季謙自德安入城予
適以使事在鄂

廬山白鶴歸來雙縞衣素袂玄為裳翅如車輪夜橫
江風聲曾走淮淝羌憂然長鳴下紫桑芝田啄粒遙
相望何人網羅忽倏高張上決雲漢旁八荒一隨鵬

鷗驚遠翔低頭不肯謀稻梁一罹置弋沮澤旁局身
筠籠翅推藏鸚鵡洲畔葭葦鄉水雲蒼々江茫々九
臯欲聞聲不揚回顧鷗鷺羞顏行忽聞緤笙度宮商
紅塵俯視有底忙磯頭刷羽今正黃欲搥此樓呼酒
狂

西制予以謬作數種并總所奏藁遺叅贊高紘微聞
以閱讀未及賜報平日正病無人為過目者
茲不特餉所有別白半生漫浪筆研間為不
虛矣因贈二首

夜半軍書尚製鈴想應欹枕夢難成新涼頗復欺長

夏舊事何妨閱短檠人說文衡真有託公於詩卷若
為評復襄遺跡今如許試考當時六萬兵
涉筆牛腰倦不支餘工那復到新詩殷雷秧綠又期
月指日東紅能幾時自古兵財無上策于今社稷寄
西陲入郭及國均危道勿謂君侯不敢知

拙婦吟

西風策策黃葉舞茅簷三尺鳴秋雨東家拙婦擁面
嗥疆別孤燈訴愁窶當年採桑陌上歸嬉遊不管春
蠶飢千絲萬縷繭白雪便學紅女攀花枝十七十八
事機織暗瑣青閨人不識二十三十幽恨長盧家古

梁玉為堂四五十已老大唧唧鳴蛩欺獨卧尚隨
姑嫂作笑嗔一生苦樂由它人君不見昨朝縣吏踏
門闌杼軸已空盆盎竭雞豚指柵索飲壺掀釜叫嗥
嗤婦拙起來迎門陪笑面不似嬌羞怕人見今年歲
事苦不登且為當家聊一展吏噤不肯怒且訶大兒
門東窺飯蘿藦砧走藏姑誚罵造筵無麪知如何感
金芙蓉戲雙鴛繡床一倚曾萬錢低頭長歎祇自憐
昔者何巧今不然吏噤已倦里正醉投淚背人還滌
器明朝欲酒姑勿譁正恐突隳驚阿家

春波堂小飲懷棠湖舊隱三首

平生到處西湖長眼底波光日々新圖在輞川非舊
隱夢回笠澤是前身一江細雨歌青菊萬里雄風起
白蘋獨立蒼茫動歸興釣磯須理未垂綸
炎暑今年特地奇不妨湖上訪清漪長堤步履誰堪
擬高閣凭欄我總宜喚客黃鸝穿柳度猜人白鳥映
荷窺衰翁病骨難禁熱且倩西風自在吹
虛攔四面挹湖光最愛薰風六月涼萬朶芙蓉紅影
開兩行楊柳綠絲長鋪陳雪月晶明態商略陰晴濃
淡粧四序清游總如此春波何必獨名堂
食素有感

百果隨時效歲功
黍稷亦復薦年豐
柔柯低帶隨風
綠纂實駢垂映日
紅聞說桃梨堪
絮大頗懷齊魯
久為戎憂時把玩
還驚歎莫詠幽風
詠北風

碩棗名亭此地傳
况逢新摘正芳鮮
栗投聊寓孤臣
報瓜實初無小史
緣只合赤心思待
敵豈容白乎觀
延年樓蘭可斬
平生志欲和安期
覓劍仙

約客春波督叅劉郎中
方赴高紫^微之集道間相
值不容留戲贈二首

春波堂上倚欄干
一曲樓臺掩靄間
野衲再尋行脚
債釣蓑聊寄賞心閑
燕低欲舞影翻水
鳥倦知還雲

在山匹似棠湖儘堪住
遠簷祇欠翠螺鬟
錦帳星郎油壁車
紫微花下醉流霞
蕭鷺東引瞻風馭
池鳳西游賦日華
蓼岸半紅秋漸老
柳堤仍綠約猶賒
一尊更趁菜衣綵
河漢還乘八月槎

餞孟運判寺簿赴京三首

溫純如玉絕纖瑕
驚坐何人指孟嘉
策馬殿軍勞不伐
舍魚取義理無差
讀碑襄水真為谷
守壘房陵忍顧家
鄉國不妨動歸興
天津八月却隨槎

詔書夜下日華門
輦路爭看使者軒
烽火三邊尚勅敵
煙塵萬里欠公言
不須目睫憂多壘
好吐胸懷悟

至尊富貴功名分中有勿令仗馬愧廷鷄

半生共飲西江水
草木由來臭味同
交臂便同鴻燕社
論心不隔馬牛風
君方鳴佩趨雙闕
我自燒車延五窮
景倩仙塵凝望處
為言驛騎莫匆匆

與高紫微雪溪餞客雖已預盟然坐次予每居上為之踉蹌寄此見意

碧梧正耐雪溪秋
况是西風送客舟
華宴雖思奉婪尾
麤官何敢作遨頭
達尊諒識詩囊意
負約仍輸酒斛籌
想見尊前列紅袖
可憐無分聽梁州

夜讀莊子呈高紫微

蒙園傲吏御風仙聊以卮言後世傳小大升潛同此
地智愚工拙豈其天衆途適正何愁問一理觀心本
自然從此二經束高閣為君終夕讀名篇

秋夕有感二首呈督視叅政

湯、南紀重喉衿縱敵年來患已深七十萬家財與
力六千里地古猶今薇屯正自憂無給桑土當思徹
未陰用力愈勞工愈寡相公試察此時心

老去工夫在一邱解驂重使借前籌憂關王國漫騰
口事為他人常壓頭蟻穴潰堤猶未計鮒魚涸轍若
為謀恩波況是如天闊早放崇湖理釣鈞

汪膏九江霜蟬比他處黑膏凝溢名冠食譜久擬遺
高紫微而家僮後期未至以詩道意不到廬
山孤負目不喫螃蟬孤負腹昔人句也

君不見東來海蟬誇江陰肌如白玉黃如金又不見
西來湖蟬到沔鄂玉軟金流不堪斫九江九月秋風
高霜前突兀瞻兩螯昆吾欲割不受刀頗有萇碧流
元膏平生尊前厭此味更看康廬拂空翠今年此曹
殊未來使我對酒空悠哉舊傳騷人鍊竒句無蟬無
山兩孤負老來政欠兩眼青那復前壽虛借箸祇今
鄉國已駿奔軍將日高應打門流涎便作麴車夢半

席又擬鍾山分先生家住岷峨脚屢放清游仍大嚼
襟期盡醉何日同試筮太元呼郭索

未 餞高紫微師黃岡

秋風九月邊塵高千艘夜下宮錦袍文章不特動蠻
貊要識金版開六弢孫曹已矣等陳迹喚起坡仙同
赤壁喧闐笳鼓動地歸重把功名光采石

以螃蟹寄高紫微踐約侑以雪醅時猶在黃岡

前朝無蟹惟有詩亦復無酒供一觥今朝有蟹仍有
酒極目征帆更搔首古來樂事誇持螯赤瓊釀髓玄
玉膏菊花吹英好時節况是九日將登高旌旗半江

笳鼓發不作詩人淡生活待君淨洗沙漠塵歸趁看

燈更奇絕

蟹至正月重出俗謂之看燈蟹

紫微星郎天上客身是南宮小宗伯斗杓夜轉天門

開平地一聲驚霹靂已將椽筆提斯文更決河漢排
風雲銀潢直下洗戈甲坐看九陌狂流奔黃金為臺
玉為帳有眼須看舍人樣紹興季歲說雍公曾冠貂
蟬登上相峨嵋山高鍾異人昔年相國今後身聲名
何嘗岷蜀隔草木仍是江淮春君不見嘉熙聖主躬
神武法祖整軍蕩強虜又不見魏公一戰平麟貍次

年子月天廢齊天心廢興真有待肯以貪殘易仁愛
大數恰逢一百年掃穴犁庭當復再今年又自淮西
來右相勲名傳九垓旄頭黑雲墜西北兩_三比色明
三台先朝貝州妖賊起若比此胡_二蜂蟻當時禮部
文侍郎一日奏凱同平章首_二前_三本_四黃金_五萬_六萬
開_一後元祐行上辨章喬益公對_二復_三文_四更_五何_六斯_七其
正月二日天氣清六符兩_三三階平閤門催班報麻
案珂馬玳玲萬人看押麻參政折璽對宣詞舍人來
殿東鞠躬一聲百寮聽軍國平章喬益公天心果與
人心同大哉聖斷天與通本朝太平說元祐五嶽三

光渾未剖當年一日三制頌呂范堂_二分在右度中
大老更魁傑中國勲名比韓富民生是時非漢唐親
見至治躋義皇一塵不起四夷服軌順星躔蕃五穀
士皆有造百姓寧官寮徹底清似冰_二枵_三揚_四畢_五空_六戈_七革
偃天街鏡爭無挽槍彼何人斯階啟厲九縣回飈八
紘沸高皇足馬開東南王業中興今五世窮荒鞞鞞
何自來中原萬里吹黃埃數殫剝後回否泰_二肝_三暉_四元
氣鍾奇才耆明壽雋軼千古呂望鷹揚稱尚父便教
旦奭居東西穆_二迓_三衡_四今_五再_六覩_七官_八家_九即日_十開_{十一}天_{十二}章_{十三}貂
冠玉佩遊巖廊一都一俞一吁_二咈_三四_四春_五風_六已_七披_八拂_九聖

賢自昔難相逢巨魚縱壑鴻遇風輿人歡呼爭誦說
元祐嘉熙莫分別君不見徂徠處士歌一夔濃墨大
字慶歷詩生民至今受其賜千載萬載生光輝陋儒
筆研久不治安得椽筆摹英辭兩朝慶祐俱盛時衆
賢一念猶西陸天心願化光明燭先望分輝照荆蜀
天上已約客總宜一病不及往二詩呈陳元履王
困衙諸人自酌

總宜閣畔小簾攏碧浸平湖面々風別館綠陰聊繫
馬便橋紅影正垂虹流觴有序傳詩客在席無人稱
倦翁儂自醉歸翁自倦風光流轉不須同

我是棠磯舊釣徒天教生與水雲俱蘭亭正值人修
禊柳岸還浪拍湖幸有丈人觀筆法可無嘉客醉兵
厨直須去躍城東馬更與留春作後圖

聞韓正倫檢正掛冠感歎故交悵然久之偶成

三首京口燈夕詩本事附

中興王社舊同功三世何嘗間一忠北海真成賢吏
歎西州猶記勝游同逢迎有意君雖繆喜怒無心我
自窮詩禍古今均一律莫將燈夜怨東風

正倫京口放燈余作

詩及祐陵事正倫疑
謂其失基怨于此

恩門小簡寫門生六載交情老弟兄一念吹毛牙角

訟十年握手肺肝傾酌貪誰飲南濡水敵怨人談北
府兵空券更憐蠅筆誤却因誤處得分明

正倫向在京口每折

簡必以恩門見稱
子為潛時嘗舉之

心存即鹿歎無虞畫地雖工理反以直枉已傳天子

詔厚誣猶見監奴書儻令甬道真難繼未必都曹可

遂初萬里上流關社稷不知天意竟何如

向已虛券見誣恐其

不直乃批與承受使多用賄啖吏文致子以大罪廟
堂覺之事遂白此批真跡他日子得之故吏今存予
起家使湖廣正倫正在都司云

予癸已在京口因郡中元夕張燈偶閱國史靖

康丙午正月十五日辛已祐陵南巡駐蹕是

王獻之郡二月二十三日已未始還京師凡居郡三

十有八日茲聞簫鼓感舊興歎不勝潛然因

涉筆以記大略而僧有冲希者乃攜以示正

倫彼謂予諷已遂架大怨迄興妄獄聖明察

知其冤予復將指前漫盡白因悼正倫之歿

閱其左計亮其初心附昔所作詩于後

駕輶老子久婆婆坐聽笙歌擁綺羅十里西涼憶如

意百年南國比流梭吞聲有恨哀蒲柳紀節無人廢

蓼莪寂寞丹心耿梅月挑燈頻問夜如何

玉楮詩藁卷第一

玉楮詩藁卷第二

興唐寺聞鐘

興唐鐘刻無夫字久欲摩挲與細論歸棹未容酬此志一聲煙靄又黃昏

相臺岳 珂肅之著 垂四

至鄂期年以饒事不給於詩己亥夏五廿有八日始解維雪錦夜宿興唐寺繁星滿天四鼓遂行日初上已抵許黃洲幾百里矣午後南風薄岍舟屹不能移延緣葦間至暮不得去始作紀事十解呈舊幙諸公

雲錦亭前水接天，晚波如縠放歸船。
新詩開務從今日，此是江行第一篇。
不消絲髮愁，草間至暮不辭離歌已盡沙頭玉，夕照初翻浪底金。
自是晴鷗無六月半江雪片湧波心，
龍鐘衰髮倚西風，兩岼青山盡識儂。
東去西來緣底事，祇應添得一龍鍾。
一江漲碧，於藍健櫓鳴鷺舳，正銜纜似過都空萬馬又驚倚岸閱千帆，
宵聲傳柝重城閉曉漏迷鐘古寺荒，
仰看繁星垂四野，不知身世變炎涼。

一餅一錫一團蒲，到得今年一物無。
桑下勿興三宿念，古人不食武昌魚。

葭葦延緣舞翠旌，白頭吹浪又相迎。
攀轅亦作留行計，莫道馮夷不世情。
昌黎久願列三王，我亦曾親翰墨香。
惜別依依重回首，棠磯風月更思量。
赤壁江頭白羽揮，鯁肥西塞酒同堆。
歸期應在初弦月，家在康山西復西。
人生邂逅適相懽，一曲高歌行路難。
頻寄詩筒君勿厭，種花持釣是閑官。

夜過壽昌

風雲八字護城隅，樓殿崔嵬想帝居。曾侍金輿惟石馬，幸因玉璽記銅魚。千年鼓角聲猶壯，四塞河山恨未祛。麋鹿已遊人事改，何人曾讀韓吳書。

望樊口懷陶士行溫太真二首

昔年老子恨婆婆，未付其如印傳何。吳苑關心春日少，湘江回首暮雲多。可無司馬親封鑰，自是將軍老枕戈。我亦新來了官事，正輸一舸弄煙波。

太真行酒知何地，渺莽遺基茂草深。聲色加人何足計，精神滿腹不同斟。六奇自可掀三狡，一正何妨警

百壬墮憤吐茵均，此轍可憐枉用世儀心。

三江口過舟時方四鼓

擢鷁收金柅，釵蟲綴玉缸。地隣今七澤，名襲古三江。岷漾雖分派，荆楊却異邦。晨光猶未發，早認白鷗雙。

赤壁

周郎二十四年，少蓋世功名隨一燎。親提三萬走曹瞞，不以敵勅恨兵少。豫州失匕已膽折，一日目明驚二妙。最憐黃蓋不知名，吏士相從倚營嘯。阿奴火攻本無策，破竹自繇人不料。貪降納侮理固宜，泥淖華容幾盡勦。古來行師有絕地，毋乃重詔千古笑。鏃湛

縱是差可認，鼎峙詎關謀。所召二喬春鎖，何足言從。
此天光遂分耀，我聞漢賊久染指。奮毒搖牙噬江表，
八荒囊括豈復遺。一感吳宮已為沼，當時乘勝下部
騎考地當居楚南，徼蒙衝逆鬪。須上流揖冠，那容越
津要武昌。霸基跬步耳，肯使國基紛。戟挑坡仙訪古，
特寓意橫槩。雄姿誰與吊，故將異地眩疑辭。政恐因
訛啓譏，誚滄浪六月卷晴雪。歷、江山人物眇崩空，
亂石今幾存。彷彿棲巢尚驚鳥，夜深刁斗敲四發。星
斗滿空，群籟悄便。須喚起紫綺裘，孤鶴南天楚。江曉

百士卷雪樓富池

地靈境勝宅神遊，第一江山卷雪樓。勢擁萬峯淮甸
接，氣吞七澤楚天浮。魚龍灑沸雲生檻，鷗鷺波閑月
上鈎。畫棟珠簾朝復暮，英名常與水東流。

謁遺愛王祠二首

功定三分國名高，八字山威容尊國祀。
虎卧無今古，烏靈信往還。保民存賜琬，猶掛屋楹間。
大帝開江左，謀臣守四方。興邦有喬木，遺愛尚甘棠。
日月扶聲烈，山川詫鬱蒼。中原知極目，應慨舊封疆。

寄王料院鐸三首

平生初未識，半面此地相。從方及暮舉，世公清如子。

少隨時離合豈人為可堪歲月老竒傑等是年時經
嶮巖閑適不同，患苦兩心惟有一天知

炯々青燈對擁爐掣鈴夜半讀邊書風煙解使寸心
折霜雪頓侵雙鬢疏已事勿言穿密馬歷官可歎上
竿魚勤勞似此天應報我自鋤犁一任渠

一葉扁舟興浩然筆床茶竈舊因緣帆歸西塞秋風
外人在南樓夜月前情不自由君憶我老無所用我
知天何時見易園中路拂石攜壺同醉眠

後江行十絕

日，征帆上水風掀天雪浪駭魚龍不須檢校江行

歷知過雲山幾萬重

遠村煙暝牛羊下近岸波澄鷗鷺閑一抹斜陽江似

鏡天移小景向人間

指點神鷗送客檣江山回首鬱蒼々吳朝千載興亡

地極目長淮恨更長

擁騎年時憶往來舊時行處半梅苔山雲勒駕應頻

笑又是江南勾當回

夕春正是隔前谿江路行人猶未歸我笑卧龍成底

事晨光儘欠踏熹微

叫著漁郎急掉頭一棹別浦聽蓮謳山遙水遠應同

趣我亦青帘問酒樓
湓城已近見康廬
風月煙雲自卷舒
白鳥歸來閑似我
我向山深處認巢居
官牌夾外少人煙
商婦琵琶久繼絃
司馬青衫不湏泣
江鷗對我正忻然
西望沙羨東秣陵
湓江中道是歸程
柳陰繫纜人歸後
頻有黃鸝三四聲
人生最好是歸來
六月火雲溶雪醅
散髮晞風須一醉
月明攜筆又涼臺
初還故居

元是廬山莫逆交
宮亭西畔著衡茅
盟鷗似怯經新浪
怨鶴還知宿故巢
一沼種蓮衣可製
萬竿脫籜杖輕敲
不湏海若猶然笑
乞與杯堂樂芥坳

集喜二首

鵲噪庭前木蛛翻
簷畔圍雙蓮
瑞明月萬柳舞晴暉
宿鶴迎風袂盟鷗
認雪衣物情同一
喜應為主人歸
水面開新皺山容
散宿輦松巢猿已
識花徑鹿初馴
雲倦隨歸鳥風清
似故人逢迎真不
暇誰作近前噴

寄紫微高侍郎三首

去年紫塞兩相望
公在齊安我武昌
秋晏車箱訪流

馬夜深弧矢看天狼不辭日斷傳烽堠尚憶螯持共
酒觴今日區區話鵬鷃圖南應是歎榆枋

人生憂患偶同時曾見驚塵傍紫微坡老鷓巢尚堪
俯周郎羽扇想重揮望風自絕胡志牧嚙雪應遲使
北歸從此青油欠籌畫上方虛已聽宵衣

力勞效寡是窮途贈策無人坐大愚三刑尚迷藏櫃
寶六街幾誤脫巾呼味言已轉廷中轂歸興難忘隴
上鋤欲問死生何許是紫煙浮處認香鑪

歸自鄂雙蓮生於後池偶作再寄紫微

歸然康廬山獨秀蓮花峰派為濂溪源下有愛蓮翁

絕學嗣洙泗千載同清風書堂二池間浮翠籠輕紅
居然不染塵湧出清冷中雪藕厲堅節一念空以通
朝卷而暮舒吸之碧玉甯潔凝月露潤妖鄙桃李穠
食子味崖蜜擘房透香叢菰蒲儼不群魚鳶間相從
大哉君子操視此禋其躬我方賦歸來策溪上節
家池忍驚見晴霞照秋空已迎顥氣激况復嘉瑞逢
雙葩本共根殊質疑並鍾摘竒且熟玩比德思廣充
嘗聞古之人即物皆至公兩岐美報上同穎還居東
雙斛賦長卿竒木對終童善推仁義端脗合造化工
後代煽淫靡世見了不同睽芳天泉池合歡清華宮

駢花耀鱧湖十丈開華潼徒能資喪志誰與思念功
嗟予困蒺藜坐此五技窮茲瑞何自來儼戒如倥侗
孤植常易推初戒光協恭競妍必競妬次戒毋苟容
美祥不可恃又以戒其終恭惟天地心常比藥石攻
名理儻未渝再拜師正蒙

又賦雙蓮

一舸歸來喜未涯天教竒產瑞我家交枝客倚青羅
蓋並蒂俱酣紅玉葩湘女月裳疑共浴越姬風袂憶
同車人生所欠惟閑適且酌清尊對物華

病中有感四首

歌枕目雙炯觸屏腸九回玉蟲迷眩霧銀鹿伴飢雷
清夢雖驚隔丹心未猝灰青萍聊把玩塵匣為誰開
一載為官憂文書每壓頭枕鈴常警夜築甬更驚秋
倦豈因心至閒常與病謀息肩僅旬耳二豎欲何求
秋近夜初長開窓病骨涼心驚婺婦歎肘繫越人方
動帳風侵几窺簷月在床呼僮然粥鼎我欲待晨光
積病漸成衰情知老見欺眊昏先掩卷肩竦不閱詩
行圃須人助登樓怯步遲徑年早知倦况復隔年時

太行道

太行羊腸坂九折雲黑風乾雪尺深堇泥道滑木葉

寒轅之車聲行復歇華山有馬久脫轅歸來牧野經
幾年一從倉箱事居積聊以知道煩長鞭前車已覆
覆道左天井闕頭夜明火後車趣駕開井陘唱籌仍
復催連營關山青草春二月車軌一冬曾結轍鬃顏
毛落雙膊高引領皮穿眼流血去年搏手雙卷空今
年三月甬道同可憐鴛力不敢惜轅下亦覺鹽車通
君恩天大示弗服抵野已甘偕轂觥感恩伏櫪飽秣
芻猶為太行憂後車

長門怨

驚風不成雨行雲去無踪妾生三十年著籍長門宮

宮車轅之春雷曉明星初熒綠雲擾增成丙舍爭迎
鑿惟有長門閉花鳥黃門開玉匙畫史圖蛾眉金鋪
振瓊鑰玉秀生銅池朝陽纔回金屋在轉盼不比人
事改入宮已作鄭袖啼出塞那知延壽賣花殘烏話
頻長門春復春花鳥易驚老况復門內人東風動地
夜來惡萬翠千紅繞簾幙莫能自有匪石心肯頽班
姬秋扇薄長門勿輕怨祝此篋中扇白華兮綠衣自
古兮有之

病中散步六絕

一年無病緣官事一病兼旬為燕居自是素餐天所

厭可能豎子解乘除
池上落花綠淨時
岸頭楊柳插天垂
倦翁縱步聊行
散早有龜魚聖得知
朝隨粥鼎蟬腹潤
夜掩書帷鰓目眠
無奈暑威侵病
骨起來搔首斗垂天
平頭奴子初茸鹿
利口嗇夫雙部蛙
二物何關人靜
躁不妨臥聽步隨車
病疎酒盞傍茶甌
一獨醒中起百憂
七尺之軀三寸
舌問渠小大若為謀
絕憐倦翼晚風高
解紕歸來得故巢
物態隨人也歡

喜遊絲不住舞蠅蛸

夜觀象奕

青燈相對夜初闌
適意棊枰伴我閒
天馬輜車金象
國虛龍徇轡寶臺山
進趨自可覘成敗
倖勝何嘗不
往還一著未容回
局勢不妨袖手酒杯間

唐世有刺郡江表者
時相囑以新塗出筆令製
以寄刺史始至召佳手一考
父應命百日而
得二管馳貢相府一見已訝其遲
且鮮試之
乃絕不堪大怒曰數千里乃寄
兩管惡筆來
刺史聞之懼欲寘老父于罪
老父訴曰使君

母草。我所製乃歐褚所用。丐先示以相君
翰墨。容再製。苟不稱甘。鼎鑊遂示之慨然曰
如此。只消使君三十錢筆。不日獻五十管。暨
再使至長安。相一試大喜。復書令優賜匠者
賦。夜寤偶試昆陵張顥筆。戲為之賦。

玉楮詩藁卷第三

相臺岳 珂肅之著

荷花盛開以病旬餘不至亭上偶成二唐律

病襟慵策杖天鏡恰開奩青蓋迷前浦紅粧間曲欄
藻窺知鷺下萍破識魚潛會看吳公陣官蛙奏曉嚴
好在山孚澤猶橫未濟舟擲金隨柳舞跳玉趁蓮謳
掃榻方思士鈎簾也覓侯病夫均一笑此意本無求
予歸未省松楸將以初秋望前汎湖之龍門已
戒舟艦而連夕雨作不見月因賦天問二章
擬放平湖月下船櫂歌終夕發長川蘋風好為雲開

幕蘭不妨人扣舷
援鶴候迎將曉日
魚龍悲嘯未晴
天玉川塌額金沙上
閭闔封詞謾一牋
小心風伯紫宮回
眼看銀蟾海上來
玄豹又成漫谷
霧斷虹猶作隱山雷
便教雨積三時害
未信晴無一日開
待試平時補天手
為君明鏡再安臺

秋夜有感二首

早歲驪車擁漢關
憂心耿耿日凋顏
秋成正望狼烽急
夜枕不禁魚目鰓
三仕古猶關喜愠
萬金今不博安閒
回思此日一尊酒
只合長居木雁間
從來難辨是幾微
談者雖多覺者希
小隙便須防蟻

穴大寒何必泣
牛衣無旁掣肘方
成事不早抽頭即
禍機莫道不才明
主棄也曾嬰領觸
天威

寄李微之秘監三首

引領蓬萊唐謫仙
湓江一別又經年
麟臺高躡三神路
狐筆方持千載權
鑪裊新煙招我隱
驛催逸事仗誰傳
校旗猶識臨淮略
更待涼臺親簡編

予所撰東隱筆畧以秋暑未暇編寫

微之以史館牒來索

去冬雪裏拜牋題
曾說新除到殿西
劔棧雲連吳壘火
函關日照漢封泥
剡藤幸有繫書鴈
錦柏難尋隔葉鷗
便是韓壇作曾築
田蕪亦盍賦歸兮

棠湖浩蕩有盟鷗塞上歸來賦葉舟范蠡功名付西
子庾公風月自南樓不虞繞指柔百鍊已幸安心老
一邱從此書來訪生死漢陽烟樹隔吳頭

讀劉琨傳

古來萬事無真實賴有區區史筆存士雅聞雞偶同
被至今起舞說劉琨

送喬江州將漕江右

獵獵英聲世少雙兩年鄉國望麾幢才猷牛蔡硯初
試筆力龍文鼎獨扛風節又新唐十道恩波仍決禹
三江澄清何事先徑濟尚使尊賢志未降

昔日東州看陣圖武昌陸續拜魚書我歸舊齒邦人
版公去新乘使者車但願世官居鼎鼐從教楚老自
犁鋤西風鴻鴈方遵渚時有音塵接里廬

次韻喬江州琵琶亭詩二首

有序

三絕若至句始散刺為在復繡
襪倡合已則至醉忠江郡樂史
中以後質亥合忠州州月天秘
元後劑夏菟南之其行午亦事閣
日鄉蓋乘時巳有莫當在年丙合生于江
郡邦如馬秋矣國遂入峽春故宴別詩有春寒
人盛此車兵計交部亦以去當亦在秋
岳事名篇紀叙不鄙錄教因繼
珂嘉熙

共生壬子兩仙翁不為離春惜斷蓬鐵撥鸚絃遺響
在繡衣龍節賞音同穆曹技埒名俱勝唐宋詩傳句
並工擊節雲笈定誰是茫茫江月思何窮
一葉西歸老倦翁高樓突兀記推蓬景隨湓浦江山
改人與香山歲月同異世剖符傳事比出門合轍見
詩工我來君去如鴻燕休歎長安目力窮

聞江陵江帥海病計二首

陷陣搴旗久冠軍兩年為國守西門枕戈常抱填膺
憤鑄印方承繫肘息汗馬策功雖屢奏寢蛟遺恨
須論尺緘一介纔經月寂寞英骸已九京

荆楚初歸士若雲連營幾載守空困度支入境方移
粟神策呼街自脫巾我已課無從此有君方舉故責
之新可憐一夜妖星隕不見春耕襍渭濱予始至湖
廣之日前

政拖江陵錢粟五旬予既代償其三
而江盡以為今政之逋故末篇及之

得陳元履家書六言四首

病骨經秋易怯人情比日多踈驚起打門軍將傳來
置驛家書

老病兩無世用謀謨百不如人喜見東林論事誰言
下榻生塵
安問徑時落々邊報鎮日搖々寄賀塞翁馬失決疑

天老龜焦，
窺戶幾回，鵲喜繞階，一夜蛩吟，痛飲正須，似舊安居，
且願如今。

觀物四首

春蠶繅繭白如霜，機婦停機待天涼，并蛩一夜秋已，
至寸絲千結，縈柔腸，催租吏，器翁媪，怒裘葛未成心，
轉苦篝燈，促織永夜忙，悔殺比隣日長語。

蛙

鳴蛙恰，地底鳴池，泉深徹池，草青秧田，正枯湏水。

活龍骨車翻蛙不驚，在池固合憂涸，鮒鼓吹未妨，明
步可憐，強聒將何為，到底官私不關汝。

蟬

亂蟬淒咽下復高，逢秋輒作升木號，老夫觸熱思靜，
臥夕陽，畏見殺嘈，客來畫冊誇莫二，伐木驅蟬，
不至不辭來，歲無繁陰，正恐先為斧斤費。

蚊

嗇夫利口工噬膚，纖腰蠹尾不受驅，不知一噤何所，
苦拍，攘，歌且呼，清晨出帷畫，藏隙正是裨蒸炎，
暑日但願涼風，即目來且為蒼生膏血惜。

紫微花

凡卉同資造化工紫微元不待東風明霞絢爛瓊為
藥曉日離披綺作叢塵境斷無青瑣隔仙姿元與赤
城通最憐耐久堪承露誰道花無百日紅

新刊予西陲奏藁成

昔人甫徹棄芻狗此日已歸談木牛報國無階空馬
革託身有地早菟裘乘車載苾纒經誇三宿戀桑真
可羞掩卷勿驚臣議戇舜瞳應顧殿西頭

閒居六詠

早起

五夜玉繩轉雙轆金井寒背人蚊作市欺夢咽鳴官
竹徑風初度松稍月尚團踞龜猶汗漫何許覓乘鸞

午睡

東日平明際北窓高臥時五徑方坦腹百慮且伸眉
蕉覆從疑鹿槐安更獵龜覺來還一莞七椀玉川詩

晝閒

用關無用地不與不才間萬法因心起幾人如我閒
床頭看黃卷屋外儘青山隱几適然笑何人戰觸蠻

晡飲

閒居欣少事燕坐覺無營炎暑鑿天陣驅除酒酒兵

勿嫌晡日杲自有晚風清堪笑竹中飲終成七子名
晚步

抱病遊從少居閒醉醒頻心懷喜無事脚力尚隨人
野徑經行地園亭自在身不妨歸步晚長趁月華新
夜坐

一窻涼浸月四壁息聞雷銅漏水仍滴金爐香未灰
徘徊聽蛩遠燿熠逐螢來看劍挑燈久譙成角引梅
予自武昌携二猿歸夜聞清嘯偶成

樂天聽琵琶嘗賦猿哀鳴物產無古今均此潯陽成
我居廬山趾日夕遊郊坰涉足歷幽谷登山窮絕陁

經行徧巖岫未始聞此聲相望三百年山木同虞衡
詎可風氣殊乃亦殊所生矯々長臂公相從東歸舲
皎々白玉面元衣吟嘯清綫垂黃金衣詭特誇異形
不繫李約鐵悲風動南濡不把碧玉環峽山棲杳冥
楚賓攀樹枝腸斷不可聽變化倏異塗更作巴西稱
突兀見眼前兒童不知名西軒驟雨過東牖初月明
循階聞夜蛩有酒仍獨傾忽聞湘水吟頓覺淒然驚
吾方笑樂天為此物外櫻反觀還自笑翁倦非忘情
小閣後薙草

當暑涼風愜北窻半庭蒿棘礙支床無花可繼陳朝

曲有草已成陶徑荒幸可一縑供廐櫪便容四坐接
孟觴醉歌家有秦聲妓且為治蕪一奮印

賀李微之兼工部二首

奎章夜下九重天雍乘疇咨法從賢紀雉重開五工
正止麟還見一經傳紫荷佩袷新簪橐青汗磨鉛舊
簡編便合史筵尊領袖紅雲堆裏望台躔
當時邛蜀起微君褒貶春秋賴洽聞又見壁附放異
數要令金饋闡斯文魚鳧西隔一隅地龍馬南來四
世勲陳古鑒今皆寔蹟論思亟願張吾軍

賀高中書兼崇政殿說書三首

欲議通三府高名動四聰鳳池仍舊渥虎觀冊新功
晝日槐方翠秋風棗已紅直須先抗議莫待入雲中
日月熙明地風雲際會辰紫宮瞻象逼丹宸喜情親
遜志賢謨在仔肩聖德新耕莘須負鼎從此學而臣
邇聯咨夕訪清問切辰猷博學今中壘邀征古上遊
齒寒當預計身履即良籌頗牧豈云遠隱憂其有瘳

觀八陣圖說

八陣初興黃帝時軀劉在漢紀乘之流形龍虎隨雷
雨定位鳥蛇分坎離地以雲升高復下天從風別正
之奇自然至理開成象一氣未應虛良維

天分三百六十度巧歷難窺本在竒萬世機緘發龍
卧六軍偏伍漫魚麗常山變化徒言用斜谷崎嶇不
過時積石平沙人不識儘從鞋鞞說行師

張孝顯晨訪懋忠堂因拉陳升可王困衛同飲

徑醉卧小閣醒則哺矣戲呈諸公

凌晨有客來款門盥櫛下榻呼冠巾怪生鵲喜繞庭
樹迎客不但填河津清尊湛、開北牖頤指市奴駿
奔走烹鮮煮餅羅朝槃首著欄干豈無有一杯兩杯
叱先驅群羊入夢撞甕道三杯四杯舌底滑闔坐牢
辭輒投轄共言卯飲夕不同能使終日長冬烘一朝

便廢一日事除却投牀百無技老夫笑倒絕冠纓人
生無日無經營經營至竟有底成謹闕此舌君勿評
直須大噉五六七不醉不扶母返室高眠一枕醉復
醒莫管今朝更明日

吳季謙侍郎送家釀香泉絕無灰得未曾有戲

成報章

義豐愛酒憎官壺日長忍渴呼酪奴自言畏灰如畏
虎有酒不向官坊酤當家香泉世無比米潔麴甘醇
且美釀時不著一點灰滿酌寒泉挹清泚小槽滴瀝
竹筩承冰渠夜濺真珠明一泓澄徹玉無底滿甕盞

盡春風生醒成不肯飲俗客澆著柴桑舊時宅共此
千年醉眠石更將餘瀝走馬軍來注吾家老瓦盆許
我自飲不許分老境官遊環軌轍官酒徧嘗隨地別
何曾見灰能作孽飢來一腹大於蟬鯨吐自覺吸百
川是灰是酒俱不辨豈問他州并異縣今夕何夕翻
露漿扣壺一洗灰土腸君不見紫桑于酒特寓意相
逢不擇賤與貴要是醇醜均一致汝陽後來帝家子
路逢麴車不知味流涎正復何所謂貧為田舍富天
宗遇酒隨飲莫適從豈如仙家居義豐無懷自與造
化通彼燧人氏初何功酬君三語將無同同不同君

信否 黃花飄香石耐久明日山行且攜酒

珊瑚

銅柯凝異質鐵網隊層淵海霧夜涵潤山霞朝欲然
綠鬢尚歌枕烏帽稱鳴鞭勿為毛錐子日興靡萬錢

無題

秋水芙蓉試早粧半軒微雨灑鴛鴦細腰正欠酬金
餅奮翼何堪卸玉梁髮鬢釵橫人在牖繩低斗轉月
侵牀無情花影雲來去都做一天風露涼

得報狀邸吏緘至朝堂八月月單有感而作首
紫殿朝儀正朱書郡邸隨九天排仗馬百辟聽朝雞

蹕警楓庭悄人歸柳院迷廿年曾襍被猶憶直金闈
十月蒼龍闕三朝白虎樽無囊持塞吏有匭達民言
故事尋常畧遺風萬一存獨憐記廷諍斷報說開元
上雍迫日近清朝儀物多衛官朝進輦沙路晝鳴珂
盛禮陳圭璧駢觀隘綺羅邊書湏急徹深願鑒

憶昔二首

憶昔紹興際垂髫游上都舜廊時訪道禹殿日陳謨
士肆幾三代兒嬉徧九衢諛聞仍有幸猶及拜先儒
昇平當暇歲遐邇屢豐年環轍道萬里輶車開兩川
干戈今滿地劔棧漫梯天試向長淮望憑高更憮然

王詩聞陳元履除諸軍審計司

老去歎衫合付人除書一昔到柴門無才空負擬旒
眷有壻初承結綬恩未辨功名酬父祖併將佔畢付
兒孫幸然官事渠能了且注田家老瓦盆

胡羊二首

生與羶裘並衣同罽毯齊引弓兒習體擊鼓地連臍
低草野迷北驚群磧度西中郎猶未返休說海邊羝
罽毛吹朔雪細肋臥晴沙曉牧尾搖扇春遊項引車
潼流便遂草酪膩正需茶日夕歸棲處因風想塞茄

幾年太學飽諸儒
餘伎猶傳笋蕨厨
公子彭生紅縷
肉將軍鐵杖白蓮膚
芳馨正可資椒實
麤澤何妨比瓠壺
老去齒牙辜大嚼
涎涎聊合憫饒奴

附錄二首

玉楮詩藁卷第三

玉楮詩藁卷第四

相臺岳生珂肅之著

重障小墅桂花盛開與客醉樹下因賦二律

舊遊曾賦小山篇
浪蘂浮葩總遜妍
金粟同瞻黃面

老玉枝爭擁碧霞
仙化身瑞相已百
億匝地香風更

大千無量現前金
世界倦翁又結醉
中緣

黃金湧出碧檀欒
消得充庭舞廣寒
露蘂移將天上

種雲階借與月中
看扶疎清影立黃
鸝匝滿庭翔

翠鸞吹徹玉笙正
涼透香風萬斛夜
漫

雨中觀廬山

雨裏觀山曼不同何須九疊看屏風紫觚壇上排蒼
壁青步障邊鋪翠茸谷錦未迴晴日照衣綃聊借淡
煙籠祇今萬木添紅纈更倩青霜染曉楓
半生每負看山眼此日真成帶雨遊歌枕有無疑欲
暮成岑橫側總宜秋耳喧似厭泉鳴咽腰繫不妨雲
去留明日新晴馬蹄放直須三峽看龍湫
約吳季謙山行書來問期戲答
連朝積雨快新晴雨後青山眼倍明大路岳蓮聊戲
馬西園池柳正啼鶯已拚一醉從金諾共聽層淵噴
玉轂月裏看山儘清絕可憐偏照國西營

將家觀芙蓉有感

芙蓉城邊觀芙蓉開時淡白蔦深紅新晴著人過于
酒聊與老面回春風少年白面豈長好花落花開不
知老之來會有少年時對酒不飲將何為

邵伯溫聞見錄載范忠宣帥慶陽時總管种詒
無故訟于朝上遣御史按治詒停任公亦罷
帥至公為樞密副使詒尚停任復薦為永興
軍路鈐轄又薦知隰州公每自咎曰先人與
种氏上世有契義某不肖為其子孫所訟寧
論事之曲直哉予在山中讀書偶見此書而

表之

君不見孔融昔日見李膺百世尚以通家稱又不見
孔融後來薦鴻豫卵翼方成比行路北海平生開酒
尊未應賓客皆若人倘令同德更比義華胄肯以遙
遙論世間麟鳳襟臬虺人事會逢總如此高平丞相
本大賢尺璧那容寸瑕指一朝契家青澗種轉頭不
記龍圖公蝨鳴亂磬蠅點素丞相襟量滄溟同歸來
端委廟堂上一青不捐三世將自言曲直何必言愧
死老奴作何樣吁嗟此輩何代無高平堂々真丈夫
邵家聞見訂千古寂寞澗城墳上土

趙季茂通判惠走筆奉和十篇

病懶兩相宜閒吟九日詩江山雖舊隱泉石是新知
不分黃花老從教烏帽吹白衣渾未至醒眼欲何為
山行事々宜酒興富於詩雲錦工何用風帘酒聖知
囊空須共賦笛好愛孤吹斟酌蒼茫詠憑高漫爾為
晴佳雨亦宜雲黑又催詩靜處景俱勝閒中趣自知
攀條隨客嗅卷葉看兒吹世事只如此吾今何所為
落托與閒宜繙書更賦詩世方隨世競吾自喜吾知
王褚齒猶冷申韓毛必吹蚩々天所畀誰謂涉人為
草堂無不宜猶記樂天詩尚有驚猿怨莫教司馬知

上宮仙闕近左蠡客帆吹欲涉窮陁步茲狂何悔為
閒花取次宜酒更宜詩葉落澗魚避枝翻山鳥知
簪來擎雨重摘處任風吹得句須句鍛未應無所為
醉裏筍輿宜閒携一卷詩微吟因興寄會意祇心知
谷霧連衣潤天風帶葉吹卷窮還自笑那復記誰為
秋氣與人宜山家物物詩題新興常倦景好句先知
雲斷邊鴻信天晴野馬吹閒情君莫問謀自不相為
天巧與天宜雕鏤烏用詩冥鴻吾自愛隱豹彼何知
牧笛方堪聽胡笳不奈吹傷時燭之武老矣不能為
置散分之宜半生衡泌詩神情一無繫山水兩相知

流詠雙魚寄賞音孤竹吹十篇聊報况惟此尚堪為

已亥八月廿一日除書予拜太平興國宮祠官

呈趙季茂

世間何物最是閒因諫拂衣歸華山倦來忘記省不
得依約此語祥符間終南捷徑本自錯老子新司紫
元鑰官家顧我作閒人有酒醉呼端不惡歲糜廩粟
月俸錢豢鶴有料芝有田人生何必待有用我老得
此寧非天君不見當年把臂龍圖上司諫放歸元未
放又不見倦翁山行醉復醒說著拂衣今亦忘
述山中語呈郡侯董庭直少監

山行霜清群木落回首重雲望城郭城郭西畔江正
橫中有千騎隨雙旌山頭一彎霜月明旌底史君如
許清我行山間已一月枕石漱流更竒絕頗從野老
談正聲所恨輕為數旬別來有書招我歸我適把
酒窮攀躋相呼一醉已心許野老來前聽我語今年
歲歟流離多帶牛佩犢無奈何史君鎮靜夜猛厲使
汝安卧仍行歌山中故侯布鞵濕杖掛百錢遺不拾
新來又拜散人呼正蓋舉杯和月吸我醉汝醉今賴
誰為言野老知不知

奉寄何正父總幹

經旬習懶慣山居不寫城間一字書把菊見山新趣
倦汎蓮依水舊交疎無心是處友麋鹿有客寄誰烹
鯉魚見說近來軍食足不妨詩卷訪犁鋤

奉寄胡教授

山中秋風寒刮席忽憶無毡泮宮客夜長螢火一燈
孤四壁蛩聲更幽寂文人自古常獨清強挽詩人同
此盟飯顆山頭報卓午絳紗帳下聽三更吾儕賦分
本無二老子新來添倦意入山四旬未擬回醉後行
歌醒復醉平生巖穴不作難更願他人同此歡廣文
愛山儂等耳雖有幽寂無儂閒君不見晨招在館笑

在列楹我昌岑競工拙倦翁此事都不知從今對酒
看山嬉補平上聲六不計韻更兩心入同此增韻文
本無山中奉寄通判楊宗博二首良未賦四韻行
多病山中客無人傍酒樽與我分椽子為鹿長禾孫
白晝雲歸屋黃昏雨打門忽懷楊司馬煙靄重隔閭
步壑斗堪摘登樓雲與齊未應隨日涉猶欠樂天題
舊覽開青眼新編寫赫蹄便須聯和軸寄我小山西
酬趙季茂遣餉松實鰻鯪柔魚
掀天吹浪九夷東維錯分珍意倍濃越井戲沙形酷
似秦囊遺算墨猶封色欺金嫩三江紫實比瓊酥十

丈松珍重故人勞問遺為言耕隴正勤農

風雷九月一日聞鴈

今年九月旦澤國始聞鴈雖々三兩散雲閣更凄斷
宿豫早且蝗豈汝無稻粟窮漠三萬里還復思故鄉
鴈來過期已一月汝來之遲果何說鴈對以臆不能
言來時胡兒將寇邊

身空次韻趙季茂寄詩

薰葭道阻長人在水中央鴻筆寫秋思驪珠比夜光
律嚴詩格壯鈴度置郵忙鉅軸注銀水欲題無漢陽
湘山中書懷

我昨浮平湖時適逢中秋十年鷗鷺盟萬文蛟龍湫
微風自遠至皓月當上頭朋游凡三人一舉累百甌
清光洞虛明醉舞相勸酬枕藉起更酌微茫寄安流
長空隱繩低中夕發擢謳未開晨曦輪已繫橫堤舟
駕言舍旌撤登涂肅衾稠淒淒感霜露鬱鬱瞻松楸
惻愴動五情頽省經幾邱倏然儵如在惕若疑可求
睽離纔經歲蕭蕭驚且稠每欲棲援局於烏築菟裘
徑營眺高岡夷坦開平疇左撫芙蓉屏右瞰鴻鴈洲
風雷淒五更雲月澄雙眸汎蘭滋晚茂叢桂連山幽
驚鳶下跼々候蟲鳴啾々振策後無繼揭屐杳莫周

誰接西山袂且為東臯留一憇動踰月四頌無與儔
棲禽競晨噪落霞觀夕收樵歌路崎嶇漁笛聲伊嘯
筑鳴環山泉鐘度遠寺樓煙暝白晝合晴嵐翠光浮
夔藩走塵豕下括昆牛雖云適野性頗復懷牢愁
天命樂自然吾生感行休主上頃見知詔書傳置郵
不忘蓋帷棄幾比巖穴搜沈々開仙祠奕々垂靈旒
筓班北闕近槐影西清摶聖恩比天隆臣報如羽翰
當年四十奏日徹十二旒言々廟上聽歷々思前籌
是知度如淵井語不忍仇感歎涕淚零棲遲歲年道
縱與裏華念已抱肘足羞莊鳥越客吟宗元楚山囚

更慙德難稱敢謂命不猶爾來陣雲黑已覺殺氣孳
連兵又多壘之餽仍上游如我高卧聞自比他人優
豈不思敵愾一為殄國讐還慨筋骨衰何以從戈矛
又憐壯心老無復陳謀猷居然去婦情後作發律憂
五斗折腰人百鍊繞指柔苦心自憫下古道方悠々
華山正絕陔下賊猶待儵指點隔江烽燒燭看吳鉤
夔下九月十三日始就郊墅拜寶謨閣直學士提舉
江州太平興國宮之命
槐影西清舞翠鸞竹宮高接五雲環職陪溫洛圖書
地名在元封卜祝間畫訪未承龍閣間晨香猶厠羽

衣班祠官到處無公事且聽松聲老此山下

茶花盛放滿山下

花容續粟露冰膚消得脂韋酪作奴葉底綻葩黃映
玉枝間著子碧垂珠潔躬淡薄隱君子苦口森嚴大
丈夫便合味言歸雋永移根禁籞比青蒲

九月十四日夜月明如晝敬想合宮竣事志喜

纖塵不動月流空雲繞崑崙想合宮蟬冕侍祠三事
列雞竿賜赦九州同裁儀丙巳尊容典肇祀庚寅識
聖功田野老臣察天意夜深頻起候西風

寄喬益公
我之傑閣凌西清高排雲漢乖日星千年福地開殊
庭絳節中天朝百靈屬車小儒風埃底歲一周星陪
豹尾有眼未識奎壁寒有脚未踏仙晨班忽傳天上
鳳銜詔碧篆五雲爭焜耀洞深紫府掣金鋪初日丹
霞兩相照劫塵超出乘剛風帝恩廣大天九重封詞
寄與小心風額塌沙土輸愚忠今春轉粟折衝府赤
手親曾哺飢虎十三萬兵猶未補秋來無地無冬防
頗聞宿師無見糧要是倖安那可常門生感恩感刻
骨本末親嘗究根窟于今况是香火間詎敢撓說徒

侵官西陲奏稿卷十二中有醫方二有意芻蕘恩報
無已時願軫蕭牆儆先備

將遊太平宮小詩呈趙季茂

聖治峰前松檜寒舊遊重此解歸鞍著身泉石無心
客主掌雲山正額官老去隱居居紫府新來襍壓
黃冠門東曾有劉仙洞剝蘚攜筇試扣看

螃蟬

無腸公子郭索君橫行湖海劍戟群紫髯綠殼琥珀
髓以不負腹誇將軍酒船拍浮老子慣咀嚼爾螯仍
把玩廬山對此眼倍青願從公子醉復醒

聞畫眉鳥聲戲作
木杪幽禽巧語新
何時曾寄得名因
樣傳京兆成雙
媼人指漁陽開小顰
儘稱如簧啼白晝
未須對鏡學
青春山中有叟嗒
無語短褐龐眉更笑人

小春六花

綠萼梅

晚秋過了小春催
放盡山家綠萼梅
東閣渠閑詩興
動南枝先放暖風回
素裳肌透未融雪
碧蒼色欺初
暈苔惆悵東籬正
岑寂重陽消得滿園開

茶花

萬峰落葉木槎牙
春色初回壑上茶
淺蘂黃金韻
梔子嫩容白玉沁
梨花西風凝露纒
成顆北苑喊雷應
未芽苦口味言終
有益莫將容悅比
浮葩

芙蓉

人道秋來不似春
芙蓉特地張吾軍
紅粧綠水照清
夜綠仗青旂朝大
昕吳陳綺羅千隊
擁秦川錦繡五
花群可憐倚袖清
霜早日薄雲輕
醉未醺

小桃

霜晴著物利于刀
漏洩陽和是小桃
春色曾看九重
醉秋風不管十分
饗青枝似慙烏
棲月紅浪不翻龍

化濤穠艷自同時節異夫君於此見清高
不睹諸
黃菊
花時已是過重陽翠幹重開滿地黃不為晨暉借顏色
要將晚節看芬芳
宅邊豈必白衣至
甕裏不妨紅友香
喚起閒情老元亮
頽然一醉答秋光
一枝眼底物華新
翠袖清霜更可人
靚色不須誇綺夜韶容聊復返
青春日烘有意姿
仍潔露洗無言態
更真不趁繁華更孤迥
為君喚起雪精神
奉謝何正父日緞荔實茶果宣瓜蜜朮之貺酬

正對詩以露芽

打門軍將到山家
小國長鬚海上楂
冰片霞餐正浮
蜜雪穰風味更宜茶
頗思野藪盤無荔
安得珍投瓊
報瓜汎水舊游渾不記
且看七椀岸巾紗

奉謝趙季茂遣餽鱖醬

逃禪繡佛正長齋
誰遣蜃嬰海上來
鮫室元雲按犀
甲蜃樓紅霧染珠胎
把螯便合閒雙手
據殼未應期
九垓尊俎折衝定
無敵江湖歲晚莫論才

太平宮遇雨

山居五旬晴山行一日雨
太平咫尺間千里
隔跬步

黃泥深三尺風聲更號怒誰語逋客知山靈倘留汝

太平宮題詞

此殿真與林清坐無端玉階凝望
甲氣赫赫雲霧散秋風吹送雲外合
閭雙牛耕燒未熟
與秋耐耐五身齊
本館題詞

時心所不善報戰不殆且香大林

玉楮詩藁卷第四

玉楮詩藁卷第五

相臺岳 珂肅之著

宿太平宮葆清庵自和少年壁間戊辰歲所作

韻是日聞虜大入滁濠二首

西風幾載動邊塵不見長平奉國珍汗浹歷時嘶石
馬鋒銷何日鑄金人消磨日月生平志慚愧煙霞自
在身天意不關人事倦新醅小瀝葛頭巾

書閣新宮記五雲祠官來奉帝臺珍卜鄰巖穴無公
事拜賜江湖作散人翫月吟風閒詠客看雲管竹繫
官身從今便了草廬願郭泰應無墊角巾

以廬山所產天花葦冬筍玉延饒趙季茂通判
已認山家作當家與猿分栗雀分茶氣先十月地抽
筍光現五臺天雨花幸有玉延炊夜月肯令繡谷嚙
朝霞憑君試雋山中味却較閑忙定不差天花葦出五臺山俗傳文殊來現光相所及即生今廬山或有之而極難值天池亦文殊之居也

趙季茂遺予郭索侑之以詩予早上亦遣山肴
兩介蓋相與駕肩也因和二首

驛書傳驛使江蠓出江湄日早同蝦蟇曾與虎持
紫髯卸金甲赤髓映瓊肌正是清霜月相從無厭時
倚桂傍巖麓采芝行谷湄偶因山雨駐何有嶺雲持

鼎芼朝欺腹窻寒夜切肌開奩應一笑會有憶人時
趙季茂有詩來適山間斲地得筍因以遺之併

賡韻

籬菊初黃楓葉丹蒼筠共此屋王間拂天未帶山雲
白斲地已凝湘暈斑玉版有時堪咀嚼石欄何日共
躋攀山家聊送清班兆且為屏星織九閔

葆清值雨二首

積雨將旬浹都無一日晴簷寒多雀噪路滑少人行
雲氣連山暗霜威徹骨清更憐欹枕處終夕聽泉聲
松竹鎖靈宅塵埃了不侵洞龍隨劔呖檻鶴識琴心

路指三峰近山通一徑深壁間少年字陳跡不堪尋
予老病倦煩入山兩月頗得靜中趣良月六日
趙南仲端明朱子明戶部曾編摩忽皆專介
王困衛諸人亦來而東老姪自石門至閤阜
劉道士又以詩卷為贄戲成
鼓鐘不合饗鷄鷩人事何因到野廬玉節金臺新貴
字寶章琰刻故交書葛冠道士重溫卷芝砌郎君亦
下車忽憶蘇州風雨夕空山落葉昔何如

設醮太平宮竣事呈偕行諸君二首

星壇仙籙韻瓊瑤彷彿神旂下九霄龍駕清都三境

接蜺旌絳節百靈朝霜澄夜氣俱明徹雲淡秋容想
沈寥耿寸衷天所鑒憂時惟異五兵銷
九光影裏步虛聲午夜封章叩紫庭雲路鳴踞傳奏
簡天街擲火渡流鈴沉沉玉漏傳三鼓燭銀河燦
萬熒仙仗煙霄正凝想曉光浮動遠山青

山居作報書竟夜有感戲成

山居踰五旬正以厭煩故誰持故人書剝啄扣我戶
奩篚旅庭砌餅罌列程廡啓緘讀風簷盈幅字如縷
頗欲從簡易人事正如許厚意來遠方殷勤不容阻
還欲混俗塵又覺初志誤筆研久荒穢肩腕仍旅拒

沈：青燈夜窓牖打風雨聊激懶惰心小出吟嚙語
霜魄比鉛觚玉蟲剔釵股隄麋方弄墨擘繭更伸楮
始爲據几案敏捷疑得趣倏爾懷交情恍惚接良晤
緘題甫一二手熟漸四五溪毛簡精粗報况視豐饗
扎胥謹印蠟僕隸治筐筥但知彼羣動不覺向五鼓
作勞耳屢鳴倦寫目如瞽低頭觸屏風入鼻飲辛霧
欠伸忽三喟靜念起百慮吾生何太勞窮處尚弗恕
仕皆係窮達世豈忘喜怒人以情見憐我獨影相顧
謙勤福所基傲放人共惡當年衆楚咻詎止雙蛾妬
生雖有遠志願豈惜遐舉偶因囿形質莫與插翎羽

徒誇九垓期姑了一夕苦嗟哉且努力掣肘無單父

挽張貢父二章

龍津南國第蟬冕左丞家錄以文章禮人惟壽雋誇
秀庭看玉樹喜帖報金花揮涕東原路悲風咽曉笳
江國三千士才名四十年君猶淹白首吾欲問蒼天
鞞唱習池近鄠聲陶宅偏功名獨遺恨寂寞

十一月十五日忽苦舌瘍甚不能飲食憊卧一

榻戲成

君不見東坡昔步虎溪月夜聽溪聲廣長舌溪聲不
斷流不枯此段磊落真丈夫一生吾伊換暗鳴嗟哉

三寸予豈無公子搢紳陳禮法枕麴無思噤如蛤
辯士說客談縱橫叱牛惟解供力耕爾來更自作
奇痛畫苦吟呻夜妨夢伏床啜粥猶瀉浪鬻肉
持將堪底用太倉受禾三百廛大官烹羊俱鼎
羶瀛洲給膳稱學士飽食端居今六年生平元
不負此舌欲辦一奇了無說更憎此舌工負予
乃復累我七尺軀鴟夷槎載鷓鴣杓向口低眉
輒前却齒牙助桀復搖落誤殺流涎孤快嚼仰
天大笑絕冠纓舌兮腹兮誰重輕

宿溪穀閣望香爐峰偶成二律

閩歷煙巖古琮琤雪澗橫海潮秋八月山雨夜三更

肯作隨流想難忘漱石情壯懷徒激烈聊復以詩鳴
廬峰三萬丈鳥道度嶙峋宿雨留前躅清風絕後塵
誰憐石樓客同是玉階人謝屐須乘興千年草木春

山居感舊百韻

昔在淳熙日中興最盛年身逢千載運眼見五朝天
楚甸當澄按岷江極沂沿徑途俱極險問字始能言
衛國呼珠帽閭公著玳筵進思紅滿幄便室白連椽
詔趨回衡鴈重聽下峽猿講書聞嶽麓論道識湘川
至治承三紀康謠沸九壘親逢堯壽並繼見禹功傳
階玉駢床笏籟金課繫銘程書仍把學句讀始精研

白髮沈詹事青雲張集仙遺經說東魯大義指南軒
古邳十連地脩門萬里船歡呼瞻玉軼恭請擁珠羈
全盛開京邑升平沸市鄜民無買刀珮士有誦教絃
去國波浮鷁炎陬瘴點鳶稍知遺枉白僅齒與立齡
附首丁寧切垂膺涕泗連止焚讒暖昧眈篲恨纏綿
奏牒懷留語慈親返故泉名坊觀正獻蕭寺饒忠宣
鼓笈來承學振衣接鉅賢伊濂一宗匠鄭鄧兩魁躔
持論閔忠厚逢時正黨偏偽名開建上威談張平原
國論幾沉痼初心本怙權朱彭承既倒沈李助方燃
東閣陪公議南州返客還奮身從百戰垂翅謁三銓

累載需將冠中宵歎著鞭窮邊周障塞訪古涉淮堧
歸抱遺書痛親裁逸事編紬藏金饋底顙直玉階前
日射九關豹風清列辟鷄下時旒十二乙奏牘三千
輦鼓宸心感絲綸詔墨鮮鑄佗光裂地繪像煥凌煙
狐史無留憾麟臺錄奏篇賢書雖偃蹇倉氏尚拘孿
大幕開邱鄧從軍下宿漣人謀自矛盾民命困戈鋌
已矣推銅虎歸欵訪石田哦松期掃逕薦草又勝牋
掌度斯文在鳴瑤大老先扈祥纒列屬鶴弔復題阡
甫畢三期制重登九寺聯曾因陳戰守尚憶奏蟬蛸
馮翊菟符佩華亭鶴羽翩弱翁慚美報季子幸求遒

蘭省頻分帳樞庭恰綴員干時繇閩議問俗許帷褰
平糴千倉富防江萬鼓藟田疇免捐瘠閭里僅安眠
戎監還文石糧車抗使旃龍荒瀦魚鹽鴻筆研山園
為訪平山柳來尋九曲蓮降胡啟膠轄走檄更喧聞
位棘珪頌瑞持荷袷在肩登壇委寄重仗鉞便宜專
間使誅妖福堅城馘逆全萬艘爭轉粟九府亦流錢
詩禍興同列天游上元閑僧偶傳誦匪石遂銘鐫
學羿招彎射漚陽厭老拳了無虛券証僅有巧言論
幕府門生舊勲家宿契堅反身徒浩歎齟舌漫思愆
皇上頒明制公朝雪滯寃復令脩甬道適遇奮空卷

憂職霜侵鬢忘餐頰露顛粗能供尺伍何以報塵涓
忽奉樞機召難勝束帛送迄孤朝仄席敢望政齊璿
誤沐便蕃渥重尋香火緣九光三境近十閣五雲邊
倍惜筋骸老空驚手足聃支籬賦囊粟溫飽及華顛
喘月牛歌戚嘶風馬億燕枕戈悲壯志揭橐愧空饅
觸事常多感懷安祇自憐深山游鹿豕交友半貂蟬
北海亡邴漸南榮偃偃佺餘生知有幸世慮盍無牽
多幸偕癘老清時釋絆纏採芝從澗底策杖又山巔
止足須闕念沈迷盍久悛便湏便漱石勿使諉乘軒
埵蟻還驚夢冥鴻願比騫屋閒雲可宿簷曝日常暄

適性頻移竹忘憂更樹護銜杯趁安健卒歲樂周旋
往歲當流馬歸心聽杜鵑方不忘起已病始知痊
魁技羞窮木羊腸易折轅但令思憤不豈厭腹便不
逆旅還推枕知音謾續絃誰談少年事為我寫蹄筌

寄道士楊休文

羽衣來自閭山前見說山中老散仙出岫無心雲傍
日歸巢有意澗鳴泉同襟汗漫尋常客掉鞅文章四
十年我亦近為猿鶴侶試從香火結前緣
已亥明裡恩封鄴侯感愧有作二首
靜即為方動即圓勿知棋局老饒先封同桑梓一二

戶蹟遠蓬萊二十年品祿幸猶容後隱榦舍何敢擬
前賢只餘築室疑相似三萬牙籤還儼然

布衣所願極封留佩印歸來正倦游汗馬無功開上
郡鑄龜有意願中流南巡空負黃圖恨北望還興紫
陌愁王國不煩謀主父自憐支子亦通侯

十一月二十七日步自虎溪至西寺摩挲率更

舊碑近覽前聞人故遊有感而賦

龜跌千丈屹名堯古寺殘僧正寂寥律演金輪開印
度字遺石磴說隋朝續題賸有名人蹟接畛猶逃劫
火燒弔古未磨今古恨又攜筇策過前橋

得閣門報以予班學士詔復賜衣帶因懷初錫
俟閱十年感恩紀事二首

憶昔除書下赤墀賜鞶即日拜金門未容汗脚踏龍
尾先為圍腰 裏跡紫詔一朝來葦室丹霄十載望
躔奎君恩一再知難報誰賦雅梁濡聖鵝
老去茆簷只負暄重煩冠綬到柴門紆金何有功名
望東帶豈堪賓客言璀璨章身同錫馬差池接聖愧
廷鵷折腰重起平生愧諉曰何知鶴在軒無此開工
謝趙季茂海錯二律
珍殺惟錯遠持將賴有詩情合得嘗明月摩蚶分瓦

龔晴霞浴黧露珠房鰓烏紫白螺開靨炬紫鰕紅鰓
挾腸鴈斷閩山歸未得把杯猶憶少年場
首槃朝日照蓬蒿消得長吟賦老饕喜見監州有螃
蟬未須學士議車螯案鮭三九漫青韭斗酒十千無
白醪應為近來詩思少故將飲興發風騷
已亥十二月十七日堂帖被召感恩二首

九天驛騎下弓招葵日丹心識就堯鸞鳳正應在阿
閣鷄鷓何事享簫韶邱園有分容浦客海嶽無裨愧
聖朝老病不堪心力倦甫田勿歎莠蒿
歸來三徑脫塵鞵兩拜除書下玉墀聖澤雲天何以

報臣心鍊石未全衰馬蹏已負驅車願鴻羽難勝漸
陸儀願把一犁祝膏澤康衢擊壤樂清時

閏二月十七日復有旨除帥江西一旬之間兩奉除

音再賦二首

披腹忱詞久未呈泱旬兩詔下宸京老臣何路通忱
悃聖主無私燭物情鶴隴未渝耕隴志牛衣空換錦
衣榮九重自是真知己莫惜捐糜負此生
郊鄜不隔馬牛風粉梓環陰跬步通湖帶江襟邦畛
接兩簾雲棟物華同未須豫計荒三徑幸有需章達
四聰尚想東湖海棠開祇今未改舊時紅

香羸

金箱玉質介為裳一騎紅塵自遠方籍掛衆香椒桂
國身居大海水雲鄉丁羸薦醢體猶具甲煎流芬名
未亡舉酒便應醺一醉尊前風味試平章

昨訪筭篁聞有繡悅之讌回車戲呈季茂

慣聞嬌小處繞帶覓銀魚授鴈定同瑞弄麀應誤書
生朝今日是嘉讌早春初無分陪湯餅到門空返車
病中未能訪鄧德督載參大監戲贈二首

昨朝華宴想清歡今日床頭未整冠已恨酒腸孤夜
醉更驚病骨怯春寒多情條脫參差是一抹琵琶錯

雜彈老眼眇昏正無緒爐薌燼冷對蒲團
老來病是惡因緣白晝明窓思悄然欲住又傾連夕
雨半醒似醉困人天近拈吟筆塵歎硯遠想江樓浪
拍船滿院杏花紅欲放何時長笛醉風前
春晴將遊王淵踐吳季謙待制馮可久武博山
行之約先走長句

康廬三萬丈下有神龍淵旁聯玉井並仰溯銀河連
層厓積冰雪斷岸藏風煙崔隕五老峰迸瀉三峽泉
鯨鯢碎紫霧蟬蛩開青天脉疑海眼近寒入山骨堅
澗草搖秋暉谷花發春妍其間地布金到處題標璇

大哉象教尊儼若螺髻仙巍々南宗栢湛々西方蓮
總持包萬法卓犖棲羣賢慈心鬼神仰顯跡今古傳
遠今千聖境容此一席顯我昔宿命通曾結它生緣
嘗聞祖師隱上應帝釋躔清宵珠石隕白浪星湖邊
至今澎湃中常欲光景燃當時初卓錫如昔睨采椽
浮雲常抗志立雪息比肩壯懷凌九疊浩氣湧百川
山水為高深志節爭後先永言縈俗累茲游經幾年
猶想謝公屐同整劉琨鞭橋梁識味經歲月驚舊鑄
盍簪有耆碩授館許款延牛耳盟屢寒馬頭月方圓
便思供糗資更擬焚蘭荃先尋遺民盟次迹繡佛禪

策杖掛錢去拂石看山眠歸來廬山南三士同陶然
趙季茂以酒香羸來適亦得京中遠致此品乃

鮮者恨地遠不大佳擇十不殼為贈

海羸風味冠東瀛一種俱從香得名畢卓醉醒甕猶
卧左車生致鼎堪烹受餐敢返盤持璧執訊不妨詩
報瓊有命其言君聽取一生一死見交情

奉賡趙季茂雪中感興二首

曉雪初明瓦春雲密布空酒驚蕃鶴遠詩坐灞驢窮
訪戴無嘉客和陶稱倦翁應憐四十韻衣帶賀年豐
溢城一夜雪零飯籬空青序回規運蒼生比屋窮

傷心慨疆事抱膝愧田翁別乘應同志憂時正願豐

病中酬趙季茂

雪窓病惱獨支頤不解隨人舉酒卮驚辨有時欺白
羽解圍無婦蔽青絲驪珠滿袖勾吟興鹿斃看山戀
藥糜莫訝牛腰聯未足江州司馬例能詩

玉楮詩藁卷第五

玉楮詩藁卷第六

相臺岳 珂肅之著

病中午後登山閒步遙見園亭有翠巒張欄處

久而識之為張孝顯成趣軒蓋與緹屏油幙

高會予病不得衝宴悵惘移時因以中孚澤

所網鮮鮪侑以崇漪家醞併成四絕呈在席

諸人

九折登山倚瘦筇杏蹊眼禿早冬烟翠雲遮斷神仙
客不許其間著倦翁

蒲山苑李開紅霞曾約香山白鹿車堪笑東風欺病

客纔先且到別人家
小池玉尺躍清波
病不開尊奈爾何
更倩棠蔭吹柳岸
為君小發醉顏酡
衝席丞郎酒斛籌
不關無面見春鷗
五鯖見說妨齋
禁留待明朝大白浮

北聞趙季茂奉版輿行春甚樂予躍然效之是日乃值大風雨昏後倦歸則素月流天仍復晴矣自此連日春色尤濃杏已過雨紅英滿地張然有作因寄

崇湖有病客破鼎支藥糜青陽動新晴兀兀厭坐馳

靜聞簫鼓鬧翠幃
行厨依竹裏繡幙映江湄
為問來者誰版輿雙侍姬
光彩照路傍拍舞襄陽兒
病翁禪心定久矣沾絮泥
一念忽隨喜聊復相追隨
家人治尊罍夜漏規晨曦
擁被起躍然不知筋力痿
破曉始三弄衝寒纒一厄
爍如滿天星湛湛開青池
晨光透戶牖纖塵絕不吹
倏焉雲頭催隨以兩脚垂
汀蘋振浙瀝岸柳驚衫披
度塘如度橋跬步窘且危
往謁乘驛使席間如鼓鼙
主賓無軟語僮僕侵寒肌
一坐禮敬疎四顧面色黧
亟就兒女曹疾駕撤重帷
擁爐共炙手悔遊仍攢眉

須臾呼酒炙稍覺春融怡棠湖暫紆望首盤充療飢
一杯復兩杯膚粟欣平治先登潯陽樓次讀琵琶詩
來徃信底忙吟哦聊自欺江柁晝樅兀市聲晚啞咿
估客維岸傍樵徑行歌歸宿靄了未收溟濛沾人衣
落莫興易闌扶輿力將疲却從名園游款戶訪故知
蔬甲折青嫩池光搖碧漪桑頭宿雞鳴柳畔新鶯啼
主人相顧笑謂此亦足棲曾留長者轍更著名人題
廬山三萬峯一碧天與齊千古真面目庶幾今見之
遂開成趣軒夕宴陳尊彝庖鯖詫彫俎幻火後眩奇
沙苑出細肋好音來赫蹠紙尾有醉字恍如寫烏絲

意者天機全落筆驚傾歎長鯉白浪捲踞蛤青雲期
佳客不我從逸興何所為整鞅固已屢鳴漏將何其
九衢月似霜烏鵲仍遶枝風乾路猶濕雲淡星不移
已成歸兮賦更作悵然疑詰朝益明媚一瞬變四時
天我豈易測我惑寧不滋嘗聞士之遭阜夔異周伊
如何不後先翻覆成噓唏昨何為而寒今何為而熙
中間出一夕乃爾變慘悽吾昨解印綬一舸來自西
天道皆自然肯以陰晴窺况此瞬息觀詎可分兩岐
為言獨醒者今昔無町畦從今好天色更請還一鴟
東尋五雲谷西渡三峽溪杏開董奉壇桃映康俗祠

景物看吐吞冷暖隨呵搗以此青田釀酌之滄海蠶
藍輿乘兩肩倒載白接羅真意決三益和氣重四支
持之藥吾疾正可扶衰羸明窓睡久酣舊業荒于嬉
正當出嚙語走筆紫虹蜺追書浹旬事幸免然豆箕
庚子正月彗見于室有詔求言因上已見有感
天象占仁愛宸心極戰兢圖從甘石辨言並禹湯興
有志酬消露無詞贊履冰至明昭萬里先願燭西陵
美芹野人意喬木世臣家尺璧諒非寶寸心元不避
誰知劍門棧已建鬱軍牙所恨簫韶遠不堪聞塞笳

作三唐律

糧府久關慮騎官方應占天心昭可卜人事備當嚴
一葦江雜恃三巴民已殲閉關還蚤計璿玉不須覘

戲作呈趙通判胡教授張總幹

人言春游無不好一日宴客三日飽翁言此語特未
定一日宴客三日病人生所願筋力強問花訪柳同
壺觴老夫豈無少年狂胡為兀坐一床憶昔少時
事賓友常有清尊湛東牖稍長便不論升斗纔對白
衣輒搔首東來三輔西陪京二十四橋誇廣陵萬椽
紅蠟槌畫鼓醒處傳杯醉中舞何嘗一日不春風酒
光花艷詩興濃兔肩鹿脰坐據熊急雪打面看雕弓

笑談千古一呷中眼底頓覺四海空可憐芳草長邊
路年少堂上背人去歡筵徒廢管與絃粥鼎相隨朝
復暮塞砧街鼓總愁聽涼月花宵筆虛度前旬作意
趁萬紅沉露積雨仍多風中間一日稍晴意藥裏關
心復思睡無穩坐上老相如昔時依幕今題與三君
笑談忽與俱使我舍策忘其軀須臾把酒舌底滑席
地幕天醉鄉闕明朝奇祟那可言閑院重尋舊生活
回思北海酒不空料應多病過於儂坐客常滿更可
疑華陀已死將誰醫

小園雙竹呈瑞二首

錦綉玉立紀雙清瑞謀千年重得名龍竹高標儼元
致熊湘素節凜皇英質同隴麥兩岐秀竒並庭柯連
理榮却羨此君尤特立虚心直道不孤生
曲檻紅闌小圃西平池影浸碧玻璃便同雙劍看龍
化未許孤奩舞鳳棲連袂縱觀金谷妓聯篇頻付錦
囊奚使符永擬章江去且聽平安報帳屏

豫庵三瑞詩

環豫庵皆竹也嘉熙庚子二月忽呈三瑞皆
前所未覲或者嘉祥有待而出耶護以朱欄
表以名扁因物有感復系以詩

鵝竹

雷雨新頭角煙霄舊羽翰聯根方拔象接翠更停鸞
紫錦雙翻籜青銅並倚竿摩穹端右待聊復護雕欄

右雙竹抽幹幾尺始分兩歧疑然競秀其瑞
特異名以鵝竹

蟬竹

氣並陰陽正仁無雨露偏闔開知有地竒耦自潛天
雖煥雙紋異仍存一節堅薰風動蟬腹槐綠又鳴絃

右四竹當竹之半有二節蔚然前合而一後
分而兩得竒耦之正猶蟬腹然名以蟬竹

龍竹

天矯青池近騰擎碧漢遙微風鳴嶰管輕霧映鮫綃
舞翠槐齊秀蟠青松後凋終須還直道勁節自干霄

右一竹當竹之頂盤舞詰曲天矯自然有擎
雲騰霄之態名以龍竹

庚子三月二十七日又易守當塗四月十一日

發辭免之牘書懷成二唐律

九重旒冕真知己幾度弓旌憶款門素志不為温飽
計赤心未報聖明恩鶴汀雲雨暮應捲牛渚風煙秋
欲昏休向長江問陳迹浮梁孤塔不堪論

去載西陲夏正初首驚禹閣下除書璇杓導旨方螭
陛珍園迎釐又燕居三見綸音傳詔璽六看祭信到
耕鋤抵今又上公車奏何日煙蓑返老漁

十二日詔吉受通議大夫告再書述懷二首

聖代論思秩中朝博議官尚紆郡邸役空著侍臣冠
歲月驚馳隙功名儘畫墁髀銷今已復半世愧戎鞍
五雲瞻觀闕百印寫綸絲有愧陪貂尾何功復鴈蹄
精鏐盼紫磨實匪詠緇宜聖德知難報規銅笑白髭
上高趙宰同叔遺以誠齋集開卷偶見答徐宋
臣監丞書云來帖告訴門生排根嘗聞前輩

謂受人之恩而不忘者為子必孝為臣必忠
蓋推是心而信其人也又聞惟以怨報德者
為不可測蓋以有人之形者必有人之情也
故盧杞之於顏公敏公之於文饒之奇之於
永叔邢恕之於君實孰測其報恩一至此極
哉昔孟嘗君有一客孟嘗遇之甚厚而客每
毀孟嘗或問其故客曰人皆譽君而我獨毀
人必以我為小人而以君為長者此吾所以
報君也前五子者其意將毋出於此歟至如
逢蒙殺羿之事孟子不責蒙而責羿然則先

生之與門生其責果誰在哉或揜卷有感因
筆紀意復紬繹身履者以補其闕凡四十韻
古人忠與孝不在工報恩如水日亦東豈必同一源
堂、顏魯公舐血來平原鬼質不知何幾作絕吭魂
大中白丞相昔躡衛國門幻作萬年夢投畀朱崖村
竒謗及師友夔言動君尊匪但死不瞑大是生無根
我嘗究初終要亦無足論或以裏言掇或趣主意奔
或從談笑生或即利欲昏初亦未有心末乃成至寃
青簡玷齒頰至今猶噀、儻無魏闕戀誰使舌莫捫
森浙起奉冊片頃那容存沐第本無從何物能輕軒

脂垢亦易辨誰解滂璵璫如彼孟嘗客亦已悔而反
正比蕭相繫尉拊聊春溫五人皆有為評訂何必繁
之子獨嗟事畫字訊書爰反覆蹈生死呵噓變寒暄
秋毫無所取可驗牘背翻自言復自渝洗垢亦不痕
堂帖寫元奏別白如珉琨渠知褫鞶枉端由吠齧喧
天定能勝人白日開戴盆只於幅紙間了、窮所元
不特玷盡磨那復恨可吞但觀期人心雖踵五子跟
居然蚤虱微而比蛇與虻抑觀誠齋書理到詞不煩
有形斯有情相比如麓墮而於五子中乃復加許謾
旋觀逢與羿端在友弗掄毀玉自出押扣金能反轅

割席懷共耕知幾當賜膳
歛舌謾爾為措眵愧吾惛
正須起九京相與澆一搏
江湖兩相忘再拜師至言

睡起三絕

睡起東窓日已紅扶頭宿酒未惺鬆
南陽一夢何關醉自愛終身作卧龍
天色今晨已放晴烏烏亦覺有歡聲
幅巾自是便疎懶飯了花間取次行
五更展轉待晨光到曉嘗騰入睡鄉
却是金門早朝客千金不博枕中方

自歲前建夏初日治辭免之有感而作

憶昨除書賜召環
聯翩觚榘不曾閒
醉吟久負雞豚社
奏牘頻登虎豹關
求倦得忙三易地
自冬徂夏半年間

梳頭二首

白髮三千丈斯言若未公
下梳驚落雪倚檻且晞風
自笑雙蓬鬢今成一秃翁
晨招幸無與姑免誚頭童
長記涪翁語無塵有髮僧
無塵方願學有髮亦何曾
學士年々樣車門日々乘
二毛猶勝我不必愧鬢鬢

塔燈六言四絕

金輪示現清夜火樹高騰碧
虛說法未回坡意冊勳

先到鐘魚
七層靈燄自照萬里劫風不吹烽信斷無澤國神光
恰似天池
中天半倚寥泲大帝高居鬱蕭已訝流鈴擲火還疑
絳節來朝
碧落星移象緯紅光影射鮫宮甲煎千門初啟明珠
九曲先通

喜雨

去年春旱種不移後來雖雨那及時至今田野有菜
色麥熟未採民嗥飢今年雨澤知時好出水秧鉞隨
處早晴無十日雨輒隨雨及一犁日還果天心一念
本好生去年今年何愛憎古來藏室五千字每歎凶
年由大兵抵今崆峒繞小熟溝壑未甦猶五六兵端
倚伏詎可量且願藩籬謹西蜀

四月二十日被以郡事入奏之命再賦二首

五雲堆裏望觚稜二紀周南夢未曾四輩兩年勤詔
札九重一念又黎蒸烽臺雖有深秋燧鴈塔應無曩
日僧預脩正須如雍國不妨德業頌高昇
去年冬莫拜弓招槐夏重承接畫朝錫馬敢期先雨
露冥鴻自愧點煙霄沙墀有路瞻唐表五岳何堪溷

舜韶歸郡定應遲六月却從故迹問凌敲
去平子園泰堂之傍有奇石小有洞箭括有門車
箱有谷高廣雖不袤丈而無空之勢宛若飄
動暇日獨坐對玩移晷因賦

池邊歷平蹊果下動游鞚一笑未必領萬象徒目送
淵渟歷危檻目景眩華棟閒情掩不舒倦思悄如曹
忽驚鵲噪簷恍類雞發甕坐開蒼玉壁平揖青瑤峒
疇昔果安在奔走比嶽貢仰觀箭括門廣宇豁晴霧
右開車箭谷盤道陟微術中天隱日月遙海揜蟠螭
居然袤丈間有此具美衆老夫生平嗜酷好泉石弄

天巧謝斲削人為謾搏控尚憶三神游俛紀十年夢
踞龜曾食蛤騎鶴更咎鳳覺來海山蒼倏見雪竇空
便疑勢嘗萃獨欠波瀕洞捧罌喜對酌岸幘發孤諷
此兄定絕奇吾意當折衷一笑間阿章試與評伯仲

玉楮詩藁卷第六

玉楮詩藁卷第七

相臺岳 珂肅之著

新荷出水

貼水初翻紫玉團
忽驚矗立傍闌干
瑤池七日來青鳥
玉鑑孤奩舞翠鸞
曉露走槃珠顆瑩
晚風颭蓋雪衣寒
從今十丈開花面
大華峰頭更一看

舞鶴四絕

九臯仙子老芝田
小立青池阿那邊
忽作霓裳羽衣舞
天機未信祗魚鳧
曾見中庭舞素衣
夜涼桂殿玉笙吹
夢回一曲天風

杳正是華亭振萬時
臨臯亭下翩翩客
縞袂元裳憶舊游
推戶惘然尋不見
笛聲猶認紫貂裘
一川翠毯淺蕪平
上有鶯簧百轉聲
萬里煙霄看鷺振
一池鼓吹謾蛙鳴
面大華新賦更一言
為王簡吳季謙堅他日紫桑之約時季謙有潭帥之
根水際命二首
幾年諸葛卧南陽
蠶澤春風詔趣裝
丹檢紫泥來四
輩碧油紅旆又三湘
不關富貴干旄戀
要看功名汗
簡香雪汁蓬婆漸
秋水好扶西極漢
天長

君今西上我東馳
一醉相從又幾時
星變十年占軫
楚風寒雨地說江
湄憂時有慮須早
了事欲歸未遲年
齒官班略相似伴
閒頻記樂天詩
五月九日登舟聞
迓卒鼓角發嚴
古郡裁儀自太平
百艘初奏夜嚴
鼓漁撾鼓史催三
奏龍角單于動五
更岸柳青煙留帳
飲堤蓮紅燄耿
砂明津亭獨坐道
然笑不似地蛙兩
部鳴

將發琵琶亭

前歲西泝鄂今歲東入吳
同一琵琶亭行客各異塗
當時白傅恨陳跡久榛蕪
豈特無遺音榛蕪今亦無

突兀眼前屋丹堊塗櫨廢興曾幾時傳舍同蘧廬
已見兩折柳於此餞老夫昔持使者節今發追鋒車
我則齋出處世自分榮枯而况天地間萬變同須臾
我觀商婦者瑣々豈足書琵琶本常技何地無此徒
夫販浮梁茶婦即空舟居長吏濕青衫禮法毋乃疎
樂天子牟心一念存江湖詎關蝦蟆陵雅以懷都故
譬之澤畔吟此語非寓欣蓋嘗考遺集一事曾同符
聞歌鸚鵡洲尋殺得幼姝倚檣泣明月清淚垂真珠
夫君當此時正屬典午初不應竒謗後無復思廉隅
六義有比興觀洵傳洵盱託物皆一理實事那相須

人情伏與妬所值分賢愚低眉終不說正耻慙々俱
初意祇如此膠柱何足拘子折武昌柳予宅潯陽廬
二詩端可識一笑聊洗誣明朝重回首搥鼓催征臚

舟過庾樓

得名元自庾西陽秋夜何關舊踞床坐上參差雉橫
堞檻前來往燕歸檣騷人雪月撩新句游子風雲憶
故鄉何日君恩粗能報苔磯重此濯滄浪

白水浦懷王建寧

南朝舊見王忠武此地曾屯十萬兵十里荒蹊秋兔
健千年陳迹暮鴻征無衣空蘊包胥志遺悃終留諸

葛名落日英雄滿襟淚鳳凰倚徙正孤城
排灣遇風對岸即彭澤舊縣二首
隱約山藏霧砮碣地起雷黑風吹海立白雨過江來
齊樂正應爾沛兒安在哉雄雌誰與辨試上楚王臺
岸上蘆搖首門前柳折腰千年已陳迹四海又驚颺
宿翳何當淨高風幸未遙柴桑那可見身世且漂搖
發排灣過小孤彭郎祠下遂宿馬當

山小孤磯彭郎中納百谷吞三江江流澎湃不可當
勢比折木傾銀潢渴龍一支走馬當宛然天驥初騰
驤回韞矗立江中央西從岷峨暨睢漳南派五湖通

三湘後先奔走爭回翔前驅怒氣軒且昂倏然過此
意消洋儼然天子朝明堂坐受萬國來氏羌五瑞咸
輯珪與璋拜舞軒陛心俱降我聞乾坤融結盤古開
混茫流峙異勢分與方巍々神禹治水平懷襄底又
一意先荆揚此山綠字元弗詳脫略邱垤登毫芒後
人考古徒縑緗未覩此石天徑地紀之維綱君不見
古馬當今馬當記牒雖漏處有常上為柱天植極扶
三光下為立地作鎮安八荒磅礴杳靄排穹蒼削平
瀕洞壓鴻厖萬熒棊布高蓋張百靈臣伏絕影藏坐
使四海順流中古無濫觴噫哦偉特那可量我欲用

世取所長便當提作朱亥神推推猶狂北絕大漢泉
名王何空更度金浮梁一極墊溺躋康莊連山疊阜
化困倉盡飽萬姓飢火腸持此報上歌如岡徧開壽
域同畛疆自今永三三十六萬歲淳古比九皇山岩
岩兮江湯三
一過雁汊
駢集千艘岸喧拏百吏聲黃旗優仕賈白奪困商程
吳楚方憂感研桑謾計贏坐觀還一笑關市古無征
便風經雁汊宿荻港是日舟行四百里三首
近岸千帆閱雄襟一昔舒雲程排沸浪風御翼澄虛

塊歷過都馬波翻縱壑魚經旬歎淹滯此理盍乘除
羊角搏扶日鴻毛迅順時天心應有為吾道復何疑
岸燎開戎捷磯神助好詞倚檣聊一笑且試楚襟披
瞬息四百里徑行三十年此時真縮地當日信梯天
岸過人回首山浮浪駕有望塵何足羨禦寇正冷然
入蕪湖港過吉祥寺

昔時曾訪後山松天道那令霸業窮夾岸人觀新太
守擁門僧認舊詩翁隱磯謾指六朝事魯港嘗淹五
宿風從此片帆湖際去只應日在瑞雲東

黃池

易取日中市陶居天下衝南琛下甌粵西旅輯巴庸
四顧斷登龍萬家樓聚蜂寢邱端不類何以洿吾封
曉過固城湖

放船快度固城湖十幅輕帆日未晡東望金陵千嶂
遠南浮銀垣萬艦趨歌聲隨地參吳楚沮澤經春畏
稗蒲却認棠磯尋釣艇只憐無影浸康廬

銀堰

舊說金為土今聞銀灌城古人真作事後世祇虛名
籌策雖曾立教倉竟未成道旁誰築室吾欲誦坻京
久不雨裏河舟不可行戚橋平氏小舫在東壩

予介紹假之以行

裏河累月雨不時河流一綫田拆龜馮河無地訪一
葦有舫艤岸知為誰尺牋扣問真謾與白頭雖新還
亟許從來遇合無古今中流一壺真千金

夏旱三首

去年旱勢已殊常今歲農家更可傷支港鮒臣空涸
輒大田龜兆未移秧祇今已是眼滴血此後應無肉
補瘡蟻蝨小臣惟痛哭第憑宗社叫蒼天

宣昇接境古高圩多稼連雲號上腴水毀木飢猶解
有刀耕火耨故應無瓠肥何計今糠覈草竊空憂古

葦符昨夜濃雲望東北，祇應兩腳在三吳。
問津六輔到長安，滿目疲羸不忍觀。耕耨又孤今歲
飽，蓋藏尤比去年難。綺羅有目須令見，鐵石為心方
自寬。欲借玉階空帳望，救民無術愧空餐。
去年東壩以裏沿岸人家皆對門，植葦于小嶼不曉
其旨，謾成四絕。

岸傍幾曲住人家，淺嶼排門種荻花。縱使秋教常索
索，斷無司馬聽琵琶。

萬里江濱長野蘆，西風元不費工夫。兩京薺菜論斤
賣，耳目由來喜所無。

北都舊產無淇竹，見說園池蘆葦多。漲綠不妨夜來
雨，更須別浦聽鳴荷。

曲江四畔鎖離宮，細柳新蒲日正風。想見千門映春
綠，君王未見碧成叢。

三塔滄圩下二首

暑風空戰荻蕭蕭，盡日舟行淖沒腰。曾見決堤憂蠹
漏，未聞涸轍縱蚍跳。成渠致利今無鄭，具備先時古
有堯。安得圩圍北安上，憂時如俠奏清朝。
深不堪桴淺不浮，百艘鱗戢賈胡留。如泥乘橈禹行
水，以力嬰天鼻盪舟。生息便疑吹野馬，坡陀正恐見

淵虬君行遲速何須問且為斯民恥內溝
三塔寺寒光亭張于湖書詞寺柱吳毅夫命名
後軒二首

竹裏逢僧院殘碑不記年鴈堤三峯堵龍化兩魁躔
寶正號應紀元豐墨尚鮮寒光定何似誰放五湖船
雲煙千嶂遠風月四時新笠澤昔魯望鏡湖今季真
何時脫塵絆來此寄垂綸一艇葦間宿寒光長是鄰
滄中水淺輿從下水肩舟二首
揚塵驚淺瀨平陸北通津絕膾正扛鼎化身如轉輪
未輿譏代畜不狩愧懸鷄誰借商巖手一篙煙水春

水面平如砥湖心淺不波駕肩同作楫袖手莫談河
不見成橋鵲空傳度磧駝勞生正應爾空愧白鷗莎

嘉定丁卯予守樵李召還郡人見餞于三塔灣

偶至此寺因名有感

往年曾佩雙湖組古刹猶題三塔灣墮鴈重尋湖浩
渺斷虹渾記水回環兩洲隔涉名無改二紀棲遲老
復還病衲雖無分別想經行莫作少年看

去歲五月二十八日發雪錦亭以六月旦謁富
池而行是夜始望見廬山今歲以此日正在
湖滄中念歲月之倏忽驚道途之勞勩回首

感歎二首

雪錦亭前夕照紅興唐寺下曉聞鐘傷心楚水又經
歲回首吳雲知幾重萬里同盟抵鷗鷺三江嘯浪憶
魚龍如今且對湖光裏八九重開夢澤胸
去年今日富池頭浩蕩風烟卷雪樓湖海百年雙鬢
老荆揚兩地一萍浮河斜左界流清夜雲密西郊望
有秋通塞隨時何必問明朝又放溧陽舟

火雲

清晨洗月露雲色已如血惟憂農畝枯敢嘆征途熱
瀕湖十萬戶旦夕望霓切龍骨夾岸鳴盡暮不暇歇

抵今牛犂地已作龜兆裂平湖三十里決滸幾盡竭
矧此一綫渠而不比涸輒天閻高莫叫歲事漸無說
如予方懷章何以救餘子回首望堯雲馮風哀涕雪

病虎行

長風吹谷白日暗曠野人稀雲黯澹狐狸嘯舞豺狼
嗥病虎妥尾行蓬蒿天寒泉凍山骨高皮枯髀痒霜
爪搔紛々晴雪爬落毛垂頭帖耳身腥臊羣鴉搓牙
噪古木燐火半青新鬼哭走麋過前不能逐目視眈
眈蹲撲擻毛風血雨天地肅何日跳踉看食肉天生
萬物有盛時當年一嘯天助威坐看雲起行引兒當

塗寧復論老羆一朝老去守巖竇落葉滿山冰雪後
壯心空在筋力疲寂寞長飢眠白晝古來豪傑多沉
淪不用為鼠皆若人范睢折脅西入秦內史長歎田
甲嗔可憐百獸為披靡轉顧不如圈中豕男兒奮路
亦渠似肯復虛為倚崖死君不見南山白額曾報恩
牆頭金枕投何人

浩歌行

浩然一氣古到今古人無愧惟此心青天為幕地為
席醉裏聊作烏吟君不見人生所重獨名謚一代
簡書耀青史當時命名偶然耳跖聖邱愚果誰是又

不見人生所願在貴豪汾陽鐘鼎顏筆瓢祇今等是
一堆土寧識生前時所遭或言惟勢可凌物但作參
軍暮蒼鷗富方煉炭貧牛衣上下升沉總飄忽又言
有才堪動人文章不過紙上塵卿雲復生鮑謝作我
亦不識知誰真書函闔開古所患萬札千緘謾堆案
當年京洛驛走塵未見達官救劉晏人情炎涼今所
同鞠脰卻筭壽迺公小兒坐睡觸屏風亦復諂語無
所容回思一拙勝百巧囊粟侏儒元亦飽纔從掃軌
學殿門邊上鋤犁不相保又思三窟寄一身東來入
湖南入閩已慚下車馮婦笑又恐顧影癡兒嗔一壺

一鍾醒復醉便作劉伶藉糟計易園蒼蔚崇湖清席
上老兵不渠異一花一柳春復秋更效疑式東西游
池荷漸衰棗紅近邨緯那免孤嫠憂噫噫人生萬事
大似繭抽縷百緒千端無物不如許歸欵一曲浩々
歌堯舜揖遜湯武興干戈從來劍佩常相磨天地萬
物如子何淵明嗜酒稱第一不知寄傲羲熙除酒更
何術雍端但愛粟與梨借使無此未應對酒成白癡
樂天僅識廬山竒肯信琴書泉石不堪引妻兒青山
獨往苦不早自是金谷白首同歸有何好浩歌對山
開酒尊看到月墮黃金盆往來正爾勞季布賢佞豈

必關王尊曾中浩々願所存貫珠擊節何足論我不
能苦身刻骨為名抵死求媚嫵又不能南柯北牖指
夢所歷為喜怒權勢文章共生死諛書鑿語相推許
為身擇地已為累隨戲逢場亦何補凜然浩氣天地
間眇視萬古同人寰滄溟易狹杯芥寬北斗柄爛銀
河乾浩歌正爾吐天籟風月笙竽均一噫來者浩々
不可期指此無愧惟心知青山白雲隨所之浩歌更
賦歸來兮

玉唾壺

古來玉唾壺歌罷壺為缺憂時一片心常惜志士烈

鷓鴣瑩出昆吾刃截肪溫潤如切膏悲歌教動行雲
高何愛一闋稱世豪馬生驥州北未省能伏櫪骨拳
鬃秃剝四蹄鳳膺赭汗人不知夕陽芳草頽影嘶猶
憶振鬣天山西可憐歲華暮萬里瑤池路鹽車轆
踰太行夜然枯草晝服箱上天振策無王良徒有此
志今未忘荆山韞明月良工斲不徹抱璞昔三刑曾
泣卞和血既斲復毀不可磨尊前對酒聽浩歌唾壺
雖缺璞更多騏驥不生奈老何

玉楮詩藁卷第七

玉楮詩藁卷第八

中橋二首

過了平湖又小溪却從蕪徑訪多岐如何江上乘風
鷓化作泥中曳尾龜誰遣旌旗行沮洳定知鼓吹宅
漣漪中橋咫尺未由到且作吳兒玩水嬉
澤國何村不着橋中橋跬步即雲霄青帘望市雷鳴
腹黃帽堆船水沒腰六月彤雲搖旱火一潮清浪捲
晴飈平生未慣舟行陸鐵石心腸也合消

泥行終日至晡始抵中橋六絕

終日泥行足半胠中橋望見已多時一篙不得風漪
力早被青帘聖得知
平川煙草碧如煙曲摺琉璃翡翠田一水分明度舟
檝如何平陸却推船
農家未補眼前瘡却種湖田作旱糧別浦誰家夜鳴
鶻踐殘一半不成秧
兩岸黃苗半畦深媿餘短髮更傷心莫疑一點無生
意盡是田家眼內針
歷盡清灣日已晡斷虹吹浪半平湖兒癡不識中橋
影問道前山有雨無

到得中橋一徑斜岸傍沽酒兩三家長年醉卧桑陰
下鼓吹猶煩兩岸蛙

夜宿橋岸

裹纜宿前灣平蕪泱泱間舫移星在戶岸迥斗藏山
淺瀨不勝揭浮生何日閒夜深聞過勝知自溧陽還

問道宜興二首

買田陽羨說東坡想見溪山勝槩多曾是中營誇繡
帽尚傳遺廟鎖雕戈斬蛟義槩人猶記化蝠仙蹤事
易訛我欲問津先訪古
靈題跡試摩娑
宜興張公洞刻古
靈題跡客有為子言古靈
後乃仙去者未句故云

粹儀夾綻盛花鈿人說先朝祀玉仙
畫有溪春不老煉丹無竈古空傳
乞靈贖擬羞蘋藻養性何勞學
秉鉛書閣蒼龍應不遠為君重寫白雲篇

天申宮夾紵玉仙聖

母章聖椅嗣之地

過謝碓滄二首

蒹葭曼衍浪縈回波面雖平路不開
溝瀆行舟休剡木坳堂浮芥欲膠杯
人如鳧雁俱游耳江有魚龍安在哉
但說滄名吾亦畏輔渠有路莫重來

不遠過順則兩半劫

身世漂搖似轉蓬歷湖經滄任西東
凌波小試檜松

檝宿露飽親葭葦叢兩岸居然驚脫兔
一帆從此迅冥鴻到頭天意君須會
吾道區區一端未窮

楊梅

滄歷三家市梅垂萬顆酸烽池看火
樹嘯室試金丹風露盈籃重冰霜透齒
寒宅楊應不類留與子雲看

六月二日乙丑濫溪大雷雨

人言夏月雨甲子赤地千里真旱祥
今年六月天久亢平疇龜坼田未秧
農夫慟哭眼滴血郡邑奔走焚巫尪
油雲勃興杳無際涸轍渴想惟西江
誰能逆計休與咎且願炎熱澆清涼
凌晨望霓到日暮屯膏雖

施了未光萬夫喘訴百澮竭風伯一掃還穹蒼那知
天意極仁愛為民之慮尤周詳搖光一夕動北斗濃
霾五夜迷東望赫曦再見耀亭午童謠忽憶歌商羊
快哉雄風起天末玉女噙笑叫阿香盡傾天瓢灑甘
露五丁仗劔分銀潢桑麻油粟柿稻苗鬱溪
湯葭蘆起舞岸柳揖農家欣喜幾欲狂向來群心
已誤見俱謂時數無金穰詎知瞬息變呼吸頓使空
廩還千箱彼管窺天蠡測海妄以時日肆度量亦復
委曲致避就聊徇世俗拘陰陽天於萬物乃如此大
造生意何可忘嗟乎得隴仍望蜀更乞一剪田中蝗

道中思廬山

廬山三百里巨浸押宮亭勢接九江匯峰連萬古青
淵源開道術詭幻雜仙靈厚地蟠奇秀雄標動杳冥
濃風晨歷流水夜冷雪擁瓊瑤障花繁錦繡屏
吾居嘗靜對親處異空聆瀑布手自酌斜川身所經
龍淵敲短策鳥道絕危陞正派尊涵泳高山有典刑
揭來三涉徑知閱幾周星白傳松猶在陶潛菊未零
堅高思並轍今古共忘形便擬安圭竇終期老澗壙
忽嚴大君詔言駕小侯駟一別門垂柳重觀階換藁
出山羞小草浮海又流萍頗覺登山屐翻成泛宅舫

回頭看豹霧望眼隔鸞汀縱抱知還志何時振倦翎
寄江州趙倅季茂二首時過溧陽舟中正順風
扁舟初下投金瀨忽憶盜江趙治中才氣當年凡事
別詩盟近日與誰同何當解印乘歸興想見隨檣亦
順風茶竈筆床淡生活一帆先借老龜蒙
庾公樓上凭欄時一片歸雲費夢思鄉國情懷應念
我江山風月定分誰青山休為墓陵濕紫氣先尋牛
渚期好是初秋藕花候蛾眉尊酒正相宜

寄胡教二首

西風送我溧陽溪終日蓬窻祇有詩黃篔未妨牀著
筆青緇不管鬢成絲鴈隨去訊勞君問鷗憶同盟尚
我隨想覓歸舟不多日一樽牛渚訪秋期
尋陽江上無檀客別後音書杳未通蕉鹿定應隣左
計尊鱸端是待西風謾懷離思人猶遠欲寓吟情句
未工朝列鷓鴣問消息一牋莫靳寄詩筒

寄高建寧尚書二首

鶴書寄到闔廬城見說君王憶姓名衡嶽雲開傳諫
草考亭月冷欠文盟不從金馬登丞輔却托銅菟煩
客卿天意未應無定據管教吾道致升平

已分耕畦老一犁天風吹夢入枯溪誰憐北垞騎牛
背又踏東華放馬蹄槐綠不妨穿禁漏棗紅便覺動
邊鞦歸塗願請平戎策政恐曹裝趨詔泥

天申萬壽宮書二首

湖汶溪邊春草青張公洞下泉泠々兩行松檜列旌
纛中有金堂開福庭壯哉神力出杳冥樓觀矗立排
巖肩焜煌金碧儼相照刻石猶寄唐朝銘中興天子
授舜禪壽宮晨候祠官星紫衣敕使易霞袂白茅羽
士迎雲輶頗聞當日動乾象二十八宿搖天經奎鉤
寫題月兔泣昭回雲漢爭晶熒至今榮光猶炳耀百

爾呵護煩山靈玉仙紵象羅坡下昭應奎寶模牌形
竭來正值天六月栢城將泣秋露零芝輿望幸已紀
覬蒿悽觸感徒糜寧岫雲無心出而兩谷風振響流
為霆石堪礪齒定何似流欲洗耳將誰聽嗟哉行役
久勞勤如鳥知倦纔振翎燒香臺邊聊倚策煉丹竈
上方絕陁由下仰瞻始知悔扶方已竭那可傳衆皆
狗目且狗耳我謂獨往非獨醒從初祕祝本何益中
休端自明德馨周家克敬綿萬億自今葉々皆堯齡

張公洞二首

祚紀千齡運名標二代仙鵲名應徙地蝠化已先天

風動疑無底丹爐信有緣
祗應巖下奕為我一跏然
驢跡驚初踐鷹盤若有靈
石橋通便戶金鑰鎖硃庭
滴乳看成像登臺仍刻銘
更憐國山字真玉比云亭
向日晨日湖汶至青口
有數老父攜篁管拜道旁
問之則山居之民紹定中
嘗以摘山為香蘭寨
入營饋兵所擾予時將
指淮東為直之適見騶從
為雲子聞予之姓曰是姓
稀必吾官也以新茗為贄
予笑遣去遮道不已因感
其意卻而謝之有
路傍迎拜正紛々尚憶鋤
山話事因老去可憐心尚

在姓稀猶是耳曾聞驛追
少日傳行客犬吠多年絕
過兵軍慚愧一錢無以稱
殷勤寄語若耶雲
過啄木嶺暑暍憇道傍時
始行三首
啄木侵雲起流金正日中
澗深猶斷港山崦略無風
自是人來去何關暑蘊隆
義皇正高卧多愧北窓翁
凭軾汗如雨低簷氣若吹
垂頭疑大病駐足便多時
輿隸爭陰樾家人薦藥糜
吾生黨行道暑暍亦奚為
鳥道度險絕禽名通古今
築亭聊駐馬息水未成陰
路峻天應近崖幽霧更深
畏途猶避熱坐有躡雲心
望北關門

萬里雲開瑞日明，雕甍遙接九重城。
觚連丹鳳紅雲繞，關度青牛紫氣迎。
新第千門俱改觀，舊溪二紀謾關情。
今宵且向橋頭宿，又聽夔夔打六更。
六月二十一日內引賜對緝熙殿玉音宣問漏
禁鐘下數刻將退賜金幣香茗有差既而御筆除
自是入長地官將旨八路復賜一礼兼鎮姑孰敬祀
知木對感遇以昭恩榮四首
曲廊青鎖午陰遲，一朵紅雲擁緝熙。
便座詢猷親帝問，近璫承詔引朝儀。
小臣曾是鶴鴻舊，夙幸還瞻龍鳳姿。
出殿陞郎驚漏下，兩行簾日影參差。

二紀身陪獻納班，今朝始拜金鸞裏。
蹠范鑄分天馥，鮫織開奩薦月團。
奎壁近露琅鈕濕，斗牛直射寶光寒。
糜損雖有平生志，自覺君恩報稱難。
曾窺遺制辨中朝，更帖驍游八座貂。
空有丹心醅雨露，詎應赤脚踏烟霄。
人絲汲汲知堯舜，我豈區區事管蕭。
不是驚臺動再詔，狂言何以發芻蕘。
殿上恭承
陳茶醴茗利病以聞辭不獲乃奉詔詳見奏藁
單輅從此歷湖陰，自愧便蕃聖澤深。
贈策不煩秦士歎，埋輪聊見漢臣心。
主憂未解承知辱，民瘼猶思力不任。
表語拳拳懷美報，用中聊以當虞箴。
謝御札表狂妄有云惟克

用中是名報
上此真說也

中秋夜宿旌德觀無月
滿看金盆湧碧流西湖後古
悵中秋青班正自重關
隔塵鞅難從近甸游自是
四并偏我靳從知一笑豈
人謀望霓得月良非急且
願西風送雨休

水樂洞

天下水樂洞今歸四姓家
臺池閒日月泉石痼煙霞
誰挈游人榼還尋奉使楂
明朝重回首清夢隔京華
趙山二絕
驅車結束趁晨暾水樂簾前共一尊
二十二年如掣

電軟紅依舊暗脩門

江南閒殺老尚書自是承平一事無
送客折腰書脫腕試從馳嘯看登塗

洞霄宮

岩冕樓觀鎖新宮十里清溪一徑松
金榜奎章紅日照石崖仙影白雲封
香殘半掩凝塵榻路轉猶聞隔澗鐘
四牡經行真不枉玉淵初識洞霄龍

洞霄宮良泓孫副官房二首

山比復泓澄幽房取次行萬峯隨眼換
一句照心清
隆露涵秋氣斜暉度晚晴
迢然還自笑見易未經名

養生須及早器破輒難全鑑止存心地涵虛詠性天
寓言隨灑灑至理本淵淵玩物先觀象如師况少童

試廬陵賀發竹絲筆

此君素以真節名延風揖月標韻清何人心匠出天
巧縷折毫分勻且輕居然束縛復其始即墨紆朱封
管城世門官爵豈必計且幸一家同汗青

九月八日洞川道中二絕

斷雲輕素抹山腰山下人家野水橋小隊旌旗空獵
獵不教閒趁酒旗招
依稀九日明朝是三徑情知不到家隨分秋光關節

物桐川道上看黃花

西風吹着白髭鬚嘉節催儂老道途無菊傍籬真漫
與有松掃徑故應蕪登龍路近心誰賞戲馬臺成足
已瘖悵望杜陵正搔首一枝不得賜茱萸

是日送迎之車屬道戲成

老仗相如節佳時負酒尊人誰羞俠轂我自愧乘軒
塵土欺貂裘功名付犢禪令君休負矢予不詫王孫

宵征

炬火一川明前驅聽鼓鉦指途期縣驛問道趣王程

不為柏人情聊尋葵戍盟征夫免泥淖何忍喜天晴
夢尚留三橋旅邸

天上歸來打六更夢回搔首正瞢騰玉霜初上三更
斗絳綵猶明九市燈敵徹銅魚催勘箭影斜金鵲在
觚稜帝鄉東望重回首佳氣何時到五陵

病中試張觀筆首一
淮上霜濃衰草黃阿魏健走如何獐不知聚族加束
縛妙手乃有明山張生來阿魏素狡獪何術聚致如
驅羊拔毫擷穎不敢惜一、順聽伏且僵人生切勿
恃一技善走古有執蓋郎不惟平地傳兩翼仍以倖

誠浮長江一朝發憤遼東岸逝水亦復隨浮梁只今
紅綃瑩玉管何人解發千古光明張眼前第一手嗟
嗟阿魏孰能走

十月廿五日有詔以予班六卿賜對衣金帶鞍
馬二首

綴蹟中朝十四春精鏐兩錫帶圍新賜袍又見光蹠
裏沃轡不妨翔苑麟有馬可乘存史闕無衣謾賦感
君仁輕肥豈是平生志髀肉何堪羨此身
非念蹉跎馬少游幾年田野任浮沉衣章不稱麒麟
檀袍緼誰慙狐貉儔試問囁嚅常束帶何如款段自

經邱感恩一念惟憂國莫笑隱居金絡頭
非會當塗勸駕詩

禮行鳴鹿盛戾邦企慕緣因既見降詔下菑川今第
一才如成紀古無雙雷聲龍化標應奪筆力牛迴鼎
易扛老守殷勤折津柳相期鼓吹輅春江

鹿鳴宴中走筆呈林教授

三級吹龍浪朋來盛鹿賓淵源識餘潤騰踏已通津
融帳知方盛陸莊應未貧成功豈無日况復值詞人

碧雲亭晚眺二首

閒步碧雲亭寒郊弄晚晴牛羊分暝色禽鳥有春聲

城柳風猶勁溪梅冰共清屋梁正殘照西望憶長庚
歲華方冉冉耕畝自閒閒日落青楓浦雲平白苧山
夜城嚴警柝昏鼓動層關風露汀洲冷驚鴻自往還

題王謏潛泉蛙吹二首

開編看句律寓意寫題辭業以能潛大泉如始達時
一譚聊託物六義可言詩有問君須答為公還為私
柳落吳江冷曾聞五字傳懸知鷺累百何待已千年
清氣溪山宅閒情月露篇六經須鼓吹吾子盍先鞭

閏月之臘詔賜銀合臘藥三首

驛使錦連乾傳宣下九天緘題瞻賜璽走送聽鳴鞭

意溢兼金外恩從玉陛前更憐戍邊客一騎入秦川
式賜十一種分馳數百程虎符多俊傑貂帽比恩榮
老矣何能役居然忝此名聖情天樣濶美報誓餘生
無功應自念有賜盍先嘗病作餘生累恩放上劑良
願說齊國證小効越人方采菲儻留意須先元氣防
開嘉熙四年九月奉詔改明年元為淳祐閏十二

月降德音

我生淳熙間今復見淳祐粵從髮覆額及此已衰者
恭惟孝皇聖是時方在宥兩宮俱萬年薄海同一候
四時無札癘仍歲稱大有布政具方冊詔謀謹封守

中更繼代三更閱改元九帝心思止嘗休命侈誕受
夫何邇年來譴告頗輻湊災沍行星以妖彗奏
烏腸爍天地蝗害徧田畝飢氓腹

遺穗莽如帚

莫量天降疵但見證書咎嗟予斗升
眼看人穿崖心愧民父母忽俾一札下取法四宗舊
既叶天人助復期風俗厚熙陵道化盛仁宗歷年久
年且盛太平中天開永阜願言緝熙襲還見泰和又
三春霽雷雨一洗徧宇宙枿楊空滯寃縉庾釋逋負
無文祀咸秩有類網皆漏果聞精祲合悔禍屈伸肘
先清塞壖塵猩豨盡驚走次反沙磧廬鴻鴈悉馴揉

三白在臘前一兩見春後星躔順宣夜潢池息白晝
人心本易孚天道常善救是知天愛君豈不公所覆
芻蕘志報上一言發白獸願惟實德心對此歲事首
帝臨心肯貳俊顓賢必右體茲生物心持此經濟手
仁氏始及物育稼湏去莠一念端弗忘九關真可扣
補裳儻因線納約當自牖不量疎遠姿尚可感通否
葵傾久未降芹獻幸匪陋輶軒應轉聞聊當小人缶

玉楮詩藁卷第八終

此集既成遣人謄錄寫法甚惡俗不可觀欲發興
自為手書但不能暇二月十日偶然無事遂以日
書數紙至望日訪友過海寧携於舟中日亦書數
紙迨歸而畢通計一百零七版

前之記

岳侍郎玉楮集八卷辛卯從鹿苑友人錢君述祖
借得抄錄原書係明嘉隆間所刻本頗多訛謬隨
手校讐一過俟得善本精校可也

壬辰首春之七日谷蘭居士書



人必... 壬辰... 春... 日... 蘭... 士... 書...

毛... 雙... 一... 西... 新... 善... 本... 赫... 赫... 古... 也...

... 赫... 赫... 古... 也... 本... 使... 多... 精... 察... 詳...

... 赫... 赫... 古... 也... 本... 使... 多... 精... 察... 詳...

... 赫... 赫... 古... 也... 本... 使... 多... 精... 察... 詳...

... 赫... 赫... 古... 也... 本... 使... 多... 精... 察... 詳...

... 赫... 赫... 古... 也... 本... 使... 多... 精... 察... 詳...

... 赫... 赫... 古... 也... 本... 使... 多... 精... 察... 詳...

... 赫... 赫... 古... 也... 本... 使... 多... 精... 察... 詳...



